

Ravguangc Guangcdic tuang Ziapswmei Program tuang Manuel

Volume 1



Poubauhmei hym khatni Katuang daihmei nzianmei thukh thay khang, khatni Ravguangc tuang padikmei ryan tipadik khang, panty chaenglwan khou meic baihmei ni mi tei kumh khang pumtan tiilou khang, kumna mbaanv rui Kata thay khang, *Ravguangc Guangcdcic tuang Ziapswmei Program* rui kadouchamei tiilou e.

Copyright khatni royalty kamanv maekmei 2016. Mbumei resources khang www.jesuslovestheworld.info khou zaclou o ramh ethei jesuslovestheworld.info@gmail.com khou email swlou o.

Jesus loves: the world twmei hei syan tuang khang ramhna zaugay tuang, Ravguangc Guangcdcic rui kahouhloumei taanv e. Kabamv kabamv khou Seminar training swloumei khatni dilungmei kapy nunc khou pumtan tiiloumei, phwamling nunc khou preaching swmei, Bible college nunc khou nchamloumei khatni Ravguangc Guangcdcic tuang resource nunc kandih kapwm khou kaniw lung-lat khou kasiamhloumei phwam e.

Kazauhmei nunc

Kalamdinhmei	2
1: How Makmei ta Howmei	3
2: Kata Thay khang	4
3: Kata Gaanvkhat Tiswloumei	7
4: Kaganv kiu Ntaw the	10
5: Kalamthu Ravguangc rui Heidi Nzianna	13
6: Pu Ramzian	15
7: Nah Mpouh Ramzian	18
8: Bumaengh Thanmei Ramzian	20
9: Ai kumhmei ta Laaloumei	22
10: Identity – Bumaengh khou Puanhmei	24
11: Nzianmei khou Laaloumei	28
12: Kiangriang nunc	31
13: Meickai ta Kaniw Lwnlung khou tei Laaloumei	34
14: Kiangriang nunc – Nchamcmei	37
15: Kiangriang nunc – Ziapswmei	40
16: Kiangriang nunc – Ravguangc Guangcdic	42
Huayneymeimei	44
Kathw 10 tuang Worksheet	45

Kalamdinhmei

Guat sw khang, ramh guayna Kakhou tigaylou datna swkathanclou dat khang Ravguangc rui ramh guayna nzianpui zaeng rui taanclou e. Kamei hei kiangriang naime Ravguangc e, Kamei hei maniatna aniu daeng khou bam e khatni Kamei hei. gaanvkhat khat swna alamvmeipu e.

Mi session khou rui meic guayna nuhmei kamv gaengmei laatow khang ai rui nangniw khou mi hei sa nii e:

- Ravguangc rui samei chu khang machunh o
- Lat thanv o
- Nang ningmei sapatna kaphianh o
- Handout sheet nunc khou nang tuang latdau hylou o
- khatni, kadai swna, mi chaenglwan hei tat nungaina tat o

Ravguangc tuang Raeng

Kaganv nai mak khou rui nai bammei, Ravguangc tuang gulou nimei raeng thu, tingkauh khatni kandih khou naime, ramh guayna akhatna khou tikariulouna, Khrista Jisu guangh tuna bammei bangc khou lou khang e...Khrista Jisu khou Ravguangc rui mbaanv kapwm khou chwn chamhmei khatni chuzanghmei tiilou dat the. Kakhou, aniu kamei lev akhatna sw the.

Ephesime 1:9-10 ...*Ravguangc kamei rui sw ni twna dingloumei raeng tei taanc the, kumna Khrista paan rui tiguang tangclou nimei katuang meic thay mak khwanmei raeng tei aniu khou ndauhlou the. Mi kaganv tangc pwkhou tiguang tangclou nimei raeng kiu thu, tingkauh khatni kandih khou nai bammei ramh katana hei zay guang kariuna, Khrista rui kapy bangc khou lou khang e. (BSI)*

Ziap Kasiamh khang

Panty chaenglwan khou tat bam khou, KaBumaengc paan rui kathei laymei nunc (ziap nunc) kasiamh khang, Jisu rui kathei laymei nunc (kaziap nunc) khou katuang ngamv tiilou e.

Matthiu 28:18-20 *Mi zaeng rui, nangniw tatna zaatc kapwmna ta aziap kasiamh o: kaniw ta Pu, Ka Nac Mpouh, khatni Bumaengh Nthanmei zanc khou duiluplou o; ai rui nangniw khou kadylou kanmei guay tei piu khang kaniw khou nchamlou o. (BSI)*

Kamei thow cho twmei, kamei rui taancloumei khatni kamei rui taanclou punime ta thaymei paan rui, Ravguangc khatni Karamzian ta thaymei khou rui Ziapswmei hei kahouh tuang e. Kalat kathaina kadaeng khou bammei, kata kalummei, huayneyme khatni baihmei lwmmmei pang khou lay kazauhmei khou kaganv laamei rui Ravguangc ta thay khang nkhaulou e.

Mi ziapswmei tuang program hei tatgut pwkhou, KaBumaengc paan rui, Poubauhmei tuang hymdaihmei khatni Kamei rui nang khang heidi nzianmei ramzian ta thaymei khou mbu thau khang, ai Jisu zanc khou huayney e.

Session 1: How Makmei ta Howmei

Damhmei Racguangc hei kiangriang Racguangc e. Kalat hei gaanvkhat gaanvkhat khang samei lat e. Kamei aniu daeng khou aniatna bam e. Kamei rui damcloumei kaguay rui dinc ndauh e.

Laancpatmei Ravsuai

Mi session hei huayneylouna laancpatlou khang gaanv khat ta sa o.

Kalummei

Ravguangc Kata aniu khou ndauhlou nii e twmei dinhmei tuang kalummei lu kanei kathumh kapahna kakang akhat swna suan o.

Kang Khat Kaphianhmei

Ravguangc rui aniu khou kata kathiak bai baicna ndauhloumei tei kaphianh o. Thaymei guay nang tuang handout khou hylou o.

Kalumlu 19:1-6 lev **Rommei 1:20** tei pac o

Hosea 12:10 tei pac o

Thaureymeis 31:11 tei pac o

Damcloumei puat khou rui Ravguangc rui kata aniu khou ndauhlou e. [Ravdam guay, muhzwng guay khatni Ravguangc baanchara guay kazauhna]

Riakdanvkaluahmei 4:35-39 tei pac o

Thaureymeis 15:1 tei pac o

2 Guangh 5:1, 14-15 lev **John 9:1-7** tei pac o

Charynmei taanv khou rui Ravguangc rui kata aniu khou ndauhlou e. [Sw-nchinmei khatni charynmei taanv, ndawman khatni tigayloumei kazauhna]

Luk 24:27 lev **John 20:31** tei pac o

Kalumlu 33:6-9 tei pac o

Kalat khou rui Ravguangc rui kata aniu khou ndauhlou e. [Hyloumei khatni saloumei lat kazauhna]

John 1:14-18; 14:6-7 lev **Ibrimeis 1:1-4** tei pac o

Jisu khou rui Ravguangc rui Kata aniu khou ndauhlou e.

John 16:13-15 lev **1 John 5:6** tei pac o

Bumaengh Thanmei khou rui Ravguangc rui Kata aniu khou ndauhlou e.

Racndauhmei

Ravguangc rui kakhou kakhou akumhna ndauhlou bu cho twmei latzwan kanei kathumh meic guayna sa khang sa o.

Luamei tuang Thuanckumei Ravsuai

Ravguangc rui kata aniu khou ndauhloumei khang Kata thuanckulou khang gaanv khat ta sa o.

Session 2: Kata Thay khang

Damhpouc Ravguangc hei kaganv khatni kasaanv kadiat kanganv maek e, tiki kata kaganv khatni kadiat naimeiswlon lungclou e.

Laanccpatmei Ravsuai

Mi session hei huayneylon laanccpatlou khang gaanv khat ta sa o.

Kalummei

Ravguangc ramdai tei lyanmei lu kanei kathumh kapahna kakang akhat swna suan o.

Kalamdinhmei

Ravguangc rui kathiak baic baicna kata aniu khou ndauhloumei tei reymeisession khou tei aniu kathai kan the. Aniu Ravguangc tuang nzianmei tatdyn-Baibal pacna kathai pwkhou, aniu kalam khou npeyna thay e. Rey liangmei latkaeng nunc, *‘Thaurey khou Ravguangc rui...damclou the’* twmei rui nganvna, ramh guayna kahouhmei ganv khou, Ravguangc nai bam khwan the, kumna kamei rui ramh guayna damclou the twmei aniu khou ndauhlou the. Ravguangc ta thay mbu khang, Baibal khou hyloumei Ravguangc tuang ndawman kathumh aniu kathai puni.

Baibal Kathaimeis– Ravguangc tuang Ndawman – Ezekiel

Kamei rui ndauhlou nimeis mei khang kage naimeis thei layna Ravguangc rui kata ndauhlou e. Ravguangc rui Ezekiel khou tiiloumei ndawman aniw kathai puni.

Mi Ndawman tuang Ganv Lwnlung

Ezekiel hei, Jihudimeis kaikhwang akhat khou rui, muhzwng khatni amuh akhat e. Ezekiel hei, Jihudimeis baihmeis nunc lev, mi ganv khou tei, ginramdic thangc bangh sw tat bam khwan e (**Ezekiel 1:1**). Kaniw tei, kaniw tuang kalummeis bamv, Jerusalem kaidai khou rui duh thangc bam khwan e. Jihudimeis nunc tei latliamna zaatc baihmeis tuang rav nunc ta kalum bam khwan e. Kumna Ravguangc rui katuang muczwng khatni amuh Ezekiel khou latgiam swna ndawman tii guang khwan e (**Ezekiel 1:3**).

Ezekiel 1:15-21 tei pac o

Mi Baibal chyam hei makumhna luan guai na ramhna pac dat dat o.

Kang Khat Kaphianhmeis

Mi Baibal chyam khou hyloumeis ramh panguh tei tabui tabui tei cho kaphianh o. Thaymeis guay nang tuang handout khou hylou o.

Kathaek 15 Ringhmeis Ramhkui nunc

Kathaek 16-17 Tariang nunc-kabamv akhat khou rui akhat khou tat bam e.

Kathaek 18 Mik nunc

Kathaek 19 Kandih-tariang nunc tei kandih ruc khou zayku the.

Kathaek 21 Bumaengh

Hyloumei Baibal lat tuang kabac laa nkhuai mak khang, mi hyloumei lat tuang latthanv nunc hei thanv o:

Mi Baibal chyam khou hei **thow thow** kazauh bo? **Ezekiel 1:1-3** tei pac o

Ezekiel, Ravguangc, Meic bang bammei nunc (Jihudimei nunc) Kaldeamei nunc

Thow lat sa bam bo?

‘Ai’ Ezekiel.

Mipu hei thow khou sa bam cho? **Ezekiel 1:28-2:5** tei pac o

Jihudimei nunc khou

Meicnunc tei khat khat khou **twkumhna** kachuc alamv bam bo?

Ravguangc rui ndawman khou Kata ndauhlouna Ezekiel khou lat sa the. Ezekiel zaucna nking bam e.

Mi pary hei **tabui khou** pat kan bo?

Gindic Kaldea tuang duibaek daeng khou.

Tabui ganv khou mi pary hei pat kan to? Jisu zanh lev zeiguanh lana, theihchouc khou theiclouna, theihmei khou rui ringcthau datna kauh thangc ku kanmei hu khou ny ramh e thei mi tangv khou ny.

Tabui ganv khou Israelmei Kaldea kandic khou meic bangc bam bo. Jisu zanh lev zeiguanh mak khou.

Tariangh tei **tabui** lyan bo?

Ntaw, India tuang chuangphey khou tariangh loumei hei panty hei kahouhmei khatni luaimei kanganv maekna tat bammei ta lyan tuang e.

Ravguangc rui Ezekiel khou tiiloumei ndawman tuang lwnlung khou hei, kaning bammei tariangh hei rui Ravguangc lam khou tabui lyanlou tu cho?

Ravguangc hei kabamv kathuic khou bammei Racguangc e. Kamei Jerusalem ravkai khou na, kabamv akhat khou na, ramh e thei kandih akhat khou na bam mak e. Ravguangc hei kabamv kathuic khou bammei Racguangc e. Kamei kahouhmei khatni luailoumei maek e. Ravguangc thu tingsaengzaeng...kaganv khatni kabamv kathuic Racguangc e.

Ravguangc rui Ezekiel khou tiiloumei ndawman khou hei, mik nunc tei rui Ravguangc lam khou tabui lyanlou tu cho?

Ravguangc how ngam pari de, kaniw latliammei guay, kaniw tuang suanmei guay, kaniw pumc rui kahawmei guay, kaniw rav baihmei ta kalummei guay nkamhna sw bammei guay how ngam de (**Ezekiel 8:12**). Kum bam sini, kaniw ta mi kumhmei bangc bammei khou rui Ravguangc rui kaniw ta tiduaklou nii e.

Tabui zaeng rui mi hei hylou to?

Ravguangc rui Kamei hei mbaanv kapwm tuang Racguangc, thay parime, how parime khatni ngam parime Racguangc twmei lyanlouna Ravguangc rui Ezekiel ta katiulou e. Gindic thangc

nganv, Ravguangc Ezekiel khatni Jihudime i ta bam nduangh bam e (**Ezekiel 11:16**) khatni Kamei nunc ta kaniw pumc rui kahawmei guay khatni rav baihmei ta kalummei khou rui tiduaklou nii e (**Ezekiel 11:17-25**).

Mi Baibal chyam khou lev ntaw ganv khou nchamcmei **tabui bui** nai bo?

Ravguangc thu doulaneic, aseic, tingsaengzaeng nchamc e. Kamei hei kabamv kathuic khou bammei, thay parime i khatni how parime i, meicnunc ta kaniw pumc rui kahawmei khatni rav baihmei ta kalummei khou rui tiduaklou niime i Racguangc e. Liamme i khatni kaniw pumc rui kahawmei khou lungc bamme i khatni rav baihmei ta kalummei ntaw ni nai bam e.

Mi hei aniu khang ntaw ganv khou **tabui** kabac cho? Kang khat swna kaphianh o.

Ravguangc hei kabamv kathuic khou bamme i Racguangc e, kaguayna thay e khatni how e twme i thayme i paan rui, aniw tabui bui bamv khou bam pw ni, aniu tuang tabui bui suanme i nai bam pw ni, aniu tabui bui lwnlung khou bam pw ni, Ravguangc aniu daeng khou bam e twme i aniu thay e. Kamei rui kata aniu khou ndauhlou nii e khatni kadanlou nii e.

Mi Baibal chyam khou rui Ravguangc lam khou nang thayloume i akhat **tabui tei** cho?

Ravguangc khang thu kaganv khatni kadiat maek e. Tabui bui bam khou pw ni khatni tabui bui lwnlung khou bam pw ni Ravguangc thu Kamei nunc daeng khou bam e. Ezekiel khatni Jihudime i nunc ginramdic khou nganv kaniw daeng khou Kamei bam e twme i lyanlou khang Ravguangc rui kata how nuh khang nuhlou e. Ramh khat lwnlung rui Ravguangc khang thu khamv tuang maek e. Kamei aniw daeng khou bam tanh tan bam nii e, aniu lev kiangriang nai tanh tan nii e, how ngam pari ri e, aniu ta zauclou bam e, kaganv kathuic thay e...thow kumhme i rui kakhou guang puni khatni thow kumhme i rui kata laazih puni, kum sini nzianna aniu ta laisuic e. Jisu meicguayna khang theiclou the, ngguay, Kathei laylak nime i nunc khang nganvna theiclou the. Oh, adih zian cho!

Nang piu khangdawlou/huayney nime i **tabui tei** cho?

Luaime i tuang Thuanckume i Ravsuai

Ravguangc rui kata aniu khou ndauhloume i khang Kata thuanckulou khang gaanv khat ta sa o.

Session 3: Kata Gaanvkhat Tiswloumei

Ravguangc hei kiangriang naime i. Maansei akhat swna kamei alamv e.

Laanccpatmei Ravsuai

Mi session hei huayneylouna laanccpatlou khang gaanv khat ta sa o.

Kalummei

Aniu khang kage naime i thei layna aniu daeng khou guangna Ravguangc Kata aniu khou ndauhlou nii e twmei dinhmei tuang kalummei lu kanei kathumh kapahna kakang akhat swna suan o.

Baibal Kathaime i-Ravguangc tuang Ndawman-Jakob

Ravguangc rui kathiak baic baicna aniu khou Kata ndauhlou e twmei aniu thay the. Kamei rui ndauhlou nime i mei khang kage naime i thei layna Kata ndauhlou e. Jakob khou tiiloumei Ravguangc tuang ndawman aniu kathai puni.

Mi ndawman tuang ganv lwnlung

Jihudime i kaikhwang akhat khou rui, Jakob hei Isaak khatni Rebeka nac e. Isaak hei Abraham lev Sara nac e. Abraham khatni Isaak kaney hei Ravguangc tuang latryan laatowme i nei e. Jakob hei kachaic ta guatna mpouh nareime i suaihiam laameipu e. Kum tina kapui Rebeka rui Jakob ta kachaic lungpuam mav khou rui pak tat khang sa the. Mi tei Jakob now kaw nime i ganv ni ti thena, now phu nzut khang Isaak rui Jakob ta Rachael kai khou ndiulou the.

Thaureyme i 28:10-22 tei pac o

Mi Baibal chyam hei makumhna pac dat dat o.

Kang Khat Kaphianhme i

Mi Baibal chyam khou hei nang rui howpatme i tei kaphianh o. Thayme i guay nang tuang handout khou hylou o.

Hyloume i Baibal lat tuang kabac laa nkhuai mak khang, mi hyloume i lat tuang latthanv nunc hei thanv o:

Mi Baibal chyam khou hei **thow thow** kazauh bo?

Ravguangc, Jakob khatni Ravguangc baanchara nunc.

Thow lat sa bam bo?

Ravguangc.

Mipu tei **thow** khou sa bam cho?

Jakob khou.

Meicnunc tei khat khat khou **twkumhna** kachuc alamv bam bo?

Ravguangc rui Kata ndawman khou ndauhlouna Jakob khou lat sa bam e. Jakob zaucna nking bam e.

Ravguangc rui Jakob khou Kamei **thow** e twna dinclou bo? **Kathaek 13** tei pac o

‘Ai hei nangniw pu Abraham Racguangc khatni Isaak Racguangc e.’

Ravguangc rui kalam khou samei thiak tei rui aniu khou Jakob lev Ravguangc ram madiat lam khou **tabui** dinclou bo?

Jakob tei Ravguangc lev khat khat ta maniatmei tuang maek khwan e. Jakob tei kapu tuang Racguangc ta thay e, tiki kamei Ravguangc lev khat khatta madiatna tuang maek khwan e.

Kathaek 15 khou Ravguangc rui Jakob khou **tabui** latryan swlou bo?

Kamei Jakob lev bam e, Jakob ta kamei tatloumei bamv kathuic khou gaeklou puni, khatni mi kandic khou phungc guanglou dat puni twna Ravguangc rui Jakob khou latryan swlou khwan e; Ravguangc rui kata ganclou ni tu ramh e.

Mi pary hei **tabui khou** pat kan bo? **Kathaek 19** tei pac o

Ntaw Jakob rui Bethel twna phuakloumei Luz kaidai khou.

Tabui khou kailaek tei dinglouna **tabui thangc** ku kan bo? **Kathaek 13** tei pac o

Kailaek tei kandih khou dinglouna tingkauh thangc ku kan e.

Ravguangc rui Jakob khou tiiloumei mi ndawman khou hei, kailaek tei tabui lyan tw cho?

Kailaek tei Ravguangc lev maansei alamvmei madiatmei riang ta e. Ravguangc tingkauh thangc rui kandih khou keyna Kamei aniu khou guanglou e. Kamei bammei kandih khou rui, Ravguangc bammei tingkauh thangc zauc kumei tuang ndawman lyanlouna Kamei lev madiatmei riang Ravguangc rui Jakob khou lyanlou e.

Tabui ganv khou mi pary hei pat kan to-Jisu zanh lev zei guanh lana, theihchouc khou theiclouna, theihmei khou rui ringcthau datna kauh thangc ku kanmei hu khou ny ramh e thei mitangv khou ny?

Jisu zanh lev zeiguanhmei hu khou

Tabui zaeng rui mi hei hylou to?

Jihudimei nunc tuang pary ling khatni kaniw lev Ravguangc tuang kiangriang khou rui aniu Ravguangc lam khou mpeyna thay e. Ravguangc rui Jakob khou Kamei lev madiatmei riang tiilou e. Ravguangc ta kapu tuang Racguangc ramh e thei kapouc tuang Racguangc twna thaymei na rui biuh mak e. Ntaw thu Jakob Ravguangc ta katuang Racguangc swna thaymei paan rui kakhang Ravguangc tuang latryan laatow the.

Mi Baibal chyam khou lev ntaw ganv khou nchamcmei **tabui bui** nai bo?

Ravguangc thu douclaneic, aseic, tingsaengzaeng nchamc de. Aniu khang kage naimei theilayna Ravguangc rui Kata ndauhlou e. Meicguayna kamei kamei rui thow ta kalum nicho twmei kadah nina e.

Mi hei aniu khang ntaw ganv khou **tabui** kabac cho?

Ravguangc tingkauh thangc rui kandih khou kadaeng khou keymei tuang ndawman Jakob how khwan e. Ravguangc zanh lev ze swna kandih khou key khwan e. Meic Nac Mpouh, Ravguangc Nac Mpouh, Jisu Khrista (Thauh Teyloumeipu).

Tingkauh laanpatna kauh baanchara nunc Meic Nac Mpouh ruc khou key key ku ku bammei ta kaniw how puni twna Jisu rui Kaziap nunc khou samei **John 1:51** khou hylou e. Jisu Khrista puanhmei, theihmei, ringcthaudatmei khatni kukanmei rui tingkauh laanclou e. Aseic thu Jisu Khrista, KaBumaengc paan rui aniu Ravguangc ta thay e. Aniu Ravguangc daeng khou guang khang kachaeng nai the. Tabui bui tuang lwnlung khou pwnei Ravguangc nkhwam bam e.

Mi Baibal chyam khou rui Ravguangc lam khou nang thayloumei akhat **tabui** tei cho?

Kaniw khang kage naimei theilayna Ravguangc rui Kata gaanv khat khou ndauhlou e. Jakob rui Ravguangc ta kakhang swna thay khang kage nai khwan e. Aniu pu pouc nunc tuang Racguangc ta thaymei na rui biuh mak e. Jakob nkhuamei taanv taanclou sini, kamei karana bammei ganv khou, Ravguangc Jakob khou Kata ndauhlouna suaihiamlounii khwan e. Ravguangc thu kiangriang Racguangc de. Kamei gaanv khat khat khou alamvmei Ravguangc de. Kamei nzianmei Racguangc e, suaihiamlou nii e. Kamei lwmnuhmei Racguangc e kumna Katuang latryan guay taanclou puni.

Nang piu khang dawlou/huayney nime **tabui** tei cho?

Luaime **tuang Thuanckumei Ravsuai**

Ravguangc rui kata aniu khou ndauhloumei khang Kata thuanckulou khang gaanv khat ta sa o.

Session 4: Kaganv kiu Ntaw the

*Kamik mai kumhmeipu ta zauc lo! Kata laaloumei nunc nzianmei, gaanhmei, ringhmei how puni.
Kata laalou makmei nunc maanmei, zinghmei, theihmei how puni.*

Laancpatmei Ravsuai

Mi session hei huayneylouna laancpatlou khang gaanv khat ta sa o.

Kalummei

Jisu hei tingkauh tat nimei chaeng e twna dinhmei kalummei lu kanei kathumh kapahna kakang khat swna suan kariu o.

Baibal Kathaime – Ravguangc tuang Ndawman – John

Ravguangc rui kathiak baic baicna Kata ndaulhou e twmei aniu thay the. Kamei rui ndaulhou nime mei khang kage naime theilayna Ravguangc rui Kata ndaulhou e. John khou tiloumei Ravguangc tuang ndawman aniu kathai puni.

Mi Ndawman tuang Ganv Lwnlung

John ta katuang lwmmei zaeng rui alayganclou khwan e. Phwamling ta rai bam khwan e. Meic nzi liangmei tanhmei Rommei nunc rui dihsin bam khwan e. Rairiumei khatni gancpatloumei ganv khou, Ravguangc rui katuang hymdaihmei, nzianmei khatni pumtan ndaulhoumei John how khwan e. Ravguangc hei guanghbamvpaeng khou bam khwanmei khatni bammei khatni bam punime guangc e khatni kapumtan hei kaganv guay tuang simei kaguayna khatni guanghdc kaguayna suangc tanc liangmei e. Simei luai nime ganv guang the twmei John khatni lwmmei guay nthanna thay nuh the. Jisu rui mi tei ngamlou kan the. Simei hei kaganv nsucmei khou nai bam tuang de. Simei hei maan makmei hu khou rouhmei maekna kakhau guang khang Ravguangc nkhwam bam e.

Jisu tuang khatni guang punime tuang ndaulhoumei tuang kalangv katitna aniw kathai kho.

Ndauhloumei 4:1-11 tei pac o

Mi Baibal chyam hei makumhna pac dat dat o.

Kang Khat Kaphianhmei

Mi Baibal chyam khou hyloumei hei kathaek kathaek swna kaphianh o. Thaymei guay nang tuang handout khou hylou o.

Kathaek 1 Tingkauh thangc laancloumei kaimun.

Kathaek 2 Tingkauh thangc guangh bamvpaeng akhat khatni mi khou tei dungc bammei Gaanv khat.

Kathaek 3 Guanghbamvpaeng daeng khou muangsing.

Kathaek 4 Guanghbamvpaeng daeng khou gaanvdaih nchuihna-padei bammei guanghbamvpaeng nchuihna-padeih.

Kathaek 5 Guanghbamvpaeng khou ruiganhkeymei, tingpalikmei khatni khwan. Thauhmai chanei = Ravguangc bumaengc chanei.

Kathaek 6 Dandik duipui. Kamik ranamei ringhmei khouringc padeih.

Kathaek 7 Kamangliangpui kumhmei reyme khouringc. Guaih launa kumhmei kaneime khouringc. Maansei zaw kumhmei kathumhmei khouringc. Samc bammei mouriang kumhmei padeihmei khouringc.

Ringhmei Khouringc padeih tei zingbangc kalaanv **tabui** sa bam bo? **Kathaek 8** tei pac o

‘Nthanmei, nthanmei, nthanmei Ngamparime! Poubauhmei Ravguangc, Nai bam khwanmei khatni guang punime!’ (BSI)

Guanghbamvpaeng khou dungc bammeipu ta ringhmei khourincg padeih tei rui kalum pwkhou gaanvdaih nchuihna padeih tei **tabui** sw bo? **Kathaek 9-10** tei pac o

Guanghbamvpaeng khou dungc bammeipu hu khou pun keyna kata kalum e.

Guanghbamvpaeng khou dungc bammeipu ta kalumna gaanvdaih nchuihna padeih tei **tabui** sa bo? **Kathaek 11** tei pac o

‘Aniw Poubauhmei khatni Ravguangc! Nang hei hymdaihmei khatni chakhwang khatni pumtan laa biuhmei e. Nang rui ramh guayna damclou e. Nai bammei khatni nai bam khwanmei kaguayna nang rui kahawna damclou e.’ (BSI)

Tingkauh thangc kaikhmv laancloumei: John rui howmei kaikhmv tei aniu ta khiu nthanloumei Jisu tuang nthuihmei khaengmei ze tei madanhmei tuang e. Karana Kata khaengloumei Jisu tuang ze tei aniu laalou pwkhou Ravguangc tuang Bumaengc ni aniu khou nai the, Kamei aniu khou khatni aniu daeng khou bam the.

Jisu, Ravguangc rui zanh lev ze guanhna, aniu lev akhatna swna bam nchamcna, Kapanty khaenglouna, ringcthau datna khatni tingkauh thangc, Pu Ravguangc baanzat khou ku bammei paan rui, Bumaengh Thanmei paan rui, aniu Ravguangc tuang guanghbamvpaeng daeng khou guang nuh khang chaeng nai the.

Ntaw, sime! rui swkasicloumei kandic khou, bumaengh khou aniu Ravguangc tuang guanghbamvpaeng khou guang nuhkhang chaeng nai the, Kata ariw tan, bamc nchamc tan, Kachwn thanv tanna, nzianna kiangriang nai tan bam khang.

Thei thangc, ringcthaudatmei nthuihmei pumc khou aniu Ravguangc guangcbamvpaeng khou, Kata zaw lev zaw how nime! bamv khou guang bam puni. Mikdui, suhmei, karacmei, nnaumei nai dat mak khe. Ramh guayna nthuih thik thikna bam puni the.

Hyloumei Baibal lat tuang kabac laa nkhuai mak khang, mi hyloumei lat tuang latthanv nunc hei thanv o:

Mi Baibal chyam khou hei **thow thow** kazauh bo?

John, khwan, Ravguangc (guanghbamvpaeng khou dungc bammeipu), khourincg padeih, gaanvdaih nchuihna-padeih, Ravguangc bumaengc chane!

Thow lat sa bam bo?

Mi hei hymmeipu John, khwan (kathaek 1), ringhmei khourincg padeih (kathaek 8) khatni gaanvdaih nchuihna-padeih (kathaek 11).

Mipu hei **thow** khou sa bam cho? **Ndauhloumei 1:4** tei pac o

John rui mi ganv khou tei khatni guang nime! ganv guay khou lwmmmei nunc khou sa bam tuang e.

Ndauhloumei 4:1 tei pac o

Mi khwan tei John khou sa bam e.

Ndauhloumei 4:8 tei pac o

Ringhmei khourincg padeih tei guanghbamvpaeng khou dungc bammeipu (Ravguangc) khou sabam e.

Ndauhloumei 4:11 tei pac o

Gaanvdaih nchuihna-padeih tei guanghbamvpaeng khou dungc bammeipu (Ravguangc) khou thuanhmei lat sa bam e.

Meicnunc tei khat khat khou **twkumhna** kachuc alamv bam bo?

John tei Bumaengh khou tingkauh khou gut lana, meickhwan, ringhmei khouringc padeih khatni gaanvdaih nchuihna-padeih tei rui guanghbamvpaeng khou dungc bammeipu (Ravguangc) ta kalum bammei ta zauca nking bam e.

Mi pary hei **tabui khou** pat kan bo? **Ndauhloumei 1:9** lev **Ndauhloumei 4:1** tei pac o

Patmos Duipuidic khatni tingkauh khou.

Tabui ganv khou mi pary hei pat kan to-Jisu zanh lev ze gvanh lana, theihchouc khou theiclouna, theihmei khou rui ringcthau datna kauh thangc ku kanmei hu khou ny ramh e thei mi tangv ny?

Ndauhloumei 1:17-18 tei pac o

Jisu zanh lev ze gvanh lana, theihchouc khou theiclouna, theihmei khou rui ringcthau datna kauh thangc ku kanmei tangv.

Tabui zaeng rui mi hei hylou to?

Akhatnamei nchumhmei Racguangc ta dinclou khang-tancliangmei, ngamparimei, tingsaengzaeng, thayparimei, nthanmei-guangh swna sin bammeipu, ramh guayna damcloumeipu hei lwmnuhmei khatni thuanh khang khatni kalum khang biuhmeipu e. Jisu (laancloumei kaimun) paan rui aniu tingkauh khou, guanghbamvpaeng khou dungc bammeipu khou, tabui bui ganv khou ni khatni tabui bui lwnlung khou ni gut nuh the twmei zuk guayna khou lwmmei guay ta katiulou khang.

Mi Baibal chyam khou lev ntaw ganv khou nchamcmei **tabui bui** nai bo?

Ravguangc hei, tancliangmei, ngamparimei, tingsaengzaeng, thayparimei, nthanmei-guangh swna sin bammeipu, ramh guayna damcloumeipu hei lwmnuhmei khatni thuanh khang khatni kalum khang biuhmeipu e.

Mi hei aniu khang ntaw ganv khou **tabui** kabac cho?

Jisu rui Katuang zanh lev ze aniu khang khaenglou pwkhou, bumaengh khou aniu ping makna Kahu khou, tingkauh khou kaguangc bamvpaeng khou kaganv kathuicna guang nuh the. Kunghmei ganv khou, khacloumei ganv khou khatni rai riumei ganv khou Ravguangc kauhliangmei guangc swna bam e kumna kaganv kathuicna khou aniu khang bam e.

Mi Baibal chyam khou rui Ravguangc lam khou nang thayloumei akhat **tabui** tei cho?

Ravguangc hei tancliangmei, ngamparimei, nthanmei-Guangh swna sin bammeipu, ramh guayna damhmeipu khatni thuanca kalum biuhmeipu e. Jisu hei tingkauh tat nipui chaeng, laancloumei kaimun e.

Racndauhmei

Ravguangc tuang ndawman tuang session nunc khou rui Ravguangc rui kakhau kakhau kachucloumei tei latzwan kanei kathumh khou sa khang mei kathuicna ta sa o.

Nang piu khang dawlou/huayney nimei **tabui** tei cho?

Session 5: Kalamthu Ravguangc rui Heidi Nzianna

Ningting hei pumtan e. Katuang nzianmei pumtan ta thaymei.

Laanccpatmei Ravsuai

Mi session hei huayneylouna laanccpatlou khang gaanv khat ta sa o.

Kalummei

Ravguangc ramzian ndauhmei tuang kalummei lu kanei kathumh kapahna suan kariu o.

Baibal Kathaimei – Ravguangc Ramzian

Nai bam khwanmei, nai bammei, nai bam punime i Damhpouc Ravguangc hei kiang riang Ravguangc e twmei aniw thay kan the. Ravguangc ramh guayna nzianmei zaeng rui taanclou e kalamthu Ravguangc rui heidikamv nzian e. Mi Ravguangc ramzian hei aniu kathukh thay tangh mak e. Katuang pary, Katuang nzianmei pary ling, Baibal khou rui Ravguangc ramzian lam asaekc kathai puni.

1 Korinthmei 13:1-8 tei pac o

Mi Baibal chyam hei makumhna pac dat dat o.

Kang Khat Kaphianhmei

Ravguangc rui aniu khou kata ndauhloumei kathiak baih baime i tei kaphianh o. Thaymei guay nang tuang handout khou hylou o.

Kathaek 4 Khaengvthaymei (lunghpuamh makna nkhwan saengc me i), nzianthaymei, mamav makmei, gaenghsw makmei, daihlwnsw makmei.

Kathaek 5 Chakhwang maekna swmei, kakhang na phu makmei, lunghpuamh makmei khatni sime i lungning ning makmei.

Kathaek 6 Sime i khou neihla makmei, tiki nchumhmei khou neihlamei.

Kathaek 7 meicnunc ta khaengv liat lak zat mak e, lwm taan zat mak e, lwmgay taan zat mak e, taan zat mak e.

Kathaek 8 Nzianmei suai zat mak e khatni luaime i nganv maek e.

Mi nzianmei hei **thow** khou rui guang tu cho **1 John 4:7-10**?

Kang Khat Kaphianhmei

Mi Baibal chyam khou Ravguangc ramzian aniu khou akumhna ndauhlou cho twmei kathai o. Thaymei guay nang tuang handout khou hylou o.

Ravguangc rui aniu ta nzianlangvpui zaeng rui zanh lev ze i tuang khaengmei swna aniu khuay mat phungclouna, kapaan rui aniu ringh khang Kanac Mpouh ta ndiulou the.

Hyloumei Baibal lat tuang kabac laa nkhuai mak khang, mi hyloumei lat tuang latthanv nunc hei thanv o:

Mi Baibal chyam khou hei kazauhmei **thow thow** cho? **1 John 4:7-10** tei pac o

Mi hyme i John, lwmmei nunc (nzianmei nunc), Jisu (Ravguangc Nac Mpouh) khatni Ravguangc.

Thow lat sa bam bo?

Mi hei hymei John.

Mipu hei **thow** khou sa bam cho?

John rui mi ganv khou tei khatni guang nimei ganv guay khou lwmmei nunc khou sa bam tuang e.

Meicnunc tei khat khat khou **twkumhna** kachuc alamv bam bo?

John lwmmei nunc khang tatdyn hy e.

Tabui ganv khou mi pary hei pat kan to-Jisu zanh lev zeiguanh lana, theihchouc khou theiclouna, theihmei khou rui ringcthau datna kauh thangc ku kanmei hu khou ny ramh e thei mitangv khou ny?

Jisu zanh lev zeiguanhna, theihchouc khou theiclouna, theihmei khou rui ringcthaudatna kauh thangc ku kanmei tangv.

Tabui zaeng rui mi hei hylou to? **1 John 1:1-4** tei pac o

Mi hei hymei John hei, Jisu zanh lev zeiguanhna, theihchouc khou theicloumei, theihmei khou rui ringcthaudatmei khatni tingkauh ku kanmei ta howmeipu e. Kum lana lwmmei nunc tuang neihlamei padik khang, Jisu zeikhaengloumei khou lwmna laalouna, kaniw paap guay kuaklouna sw-nthanlou khang, John rui kamei thaymei khatni howmei tei hylou tuang e.

Mi Baibal chyam khou lev ntaw ganv khou nchamcmei **tabui bui** nai bo?

Ravguangc, Karamzian luaimeiganv maekmei, Katuang tingsaengzaeng khang khaengloumei rui tat kanmei ganv guay, ntaw ganv khatni guang punimeiganv guay khou aniu rui maansei khatni Ravguangc ruc khou saloumei, kakhanhloumei khatni taancloumei simeiguay kuakloumei.

Mi hei aniu khang ntaw ganv khou **tabui** kabac cho?

Jisu rui Kata aniu khang katuang zanh lev zeikhaengloumei ta laalou pwkhou, aniu bumaengh khou nthan the khatni tat kanmeiganv guay, ntaw ganv khatni guang punimeiganv guay khou aniu rui maansei khatni Ravguangc ruc khou saloumei, kakhanhloumei khatni taancloumei simeiguay tingsaengzaeng khang kuaklou the. Ravguangc ramzian thu luaimeiganv maek e. Ravguangc ramzian khou aniu lwm nuh e.

Mi Baibal chyam khou rui Ravguangc lam khou nang thayloumei akhat kiu **tabui** tei cho?

Ravguangc hei nzianmei e, nthuihmei ramzian.

Racndauhmei

Ravguangc rui kaniw ta nzianmei hei kangany nai dat mak khe twmei thaymei khou rui kaniw khang tabui laalou cho twmei latzwan kanei kathumh khou sa khang meicathuicna ta sa o.

Nang piu khang dawlou/huayney nimei **tabui** tei cho?

Session 6: Pu Ramzian

Mi rui Pu ta tipianlou e, twmei thu Ravguangc tuang lwnlung kapwmna Jisu khou naime, khatni Kamei rui ramh guayna Kakhou tikariuloumei.

Laancpatmei Ravsuai

Mi session hei huayneylouna laancpatlou khang gaanv khat ta sa o.

Kalummei

Ravguangc ramzian sa ndauhmei tuang kalummei lu kanei kathumh kapahna suan kariu o.

Baibal Kathaime

Ravguangc hei nai bam khwanmei, nai bammei, khatni nai bam punime khou Karana lev nthuihmei khang riang nai e. Pu, Nah Mpouh Jisu, khatni Bumaengh Thanmei hei nthuihmei akhatnamei swmei e, gaanv thumh rui akhat swmei. Ravguangc akhat. Katuang pary, Katuang nzianmei pary ling, Baibal khou rui aniu Pu ramzian kathai puni.

Pu ramzian heidi kamv daicna Kamei rui Nah Mpouh khang ramh guayna tiilou the.

Kolosime 1:19-20 tei pac o

Mi Baibal chyam hei makumhna pac dat dat o.

Kang Khat Kaphianhmei

Pu ramzian lam khou mi Baibal chyam khou rui nang howpatmei guay kathai kariu o. Thaymei guay nang tuang handout khou hylou o.

Ravguangc tuang nthuihmei Jisu khou rui aniu khou Pu rui lyanlou khang nnguih khwan e. Jisu zanh lev ze guanhna khaengloumei paan rui, damcloumei katana Kakhou guatc swlou dat the, chuzanghmei tiilou the. Jisu kazauh makna nthuihmei chuzanghmei maek e.

Mi Baibal chyam khou lev ntaw ganv khou nchamcmei **tabui bui** nai bo?

Ravguangc-Karamzian, Jisu tuang zanh lev ze khou Katuang padikmei lyanlou e. Jisu kazauh makna chuzanghmei maek e.

Mi hei aniu khang ntaw ganv khou **tabui** kabac cho? **Kolossime 1:21-22** tei pac o

Aniu Jisu tuang zanh lev ze khaengloumeita laalou pwkhou aniu Ravguangc tuang zauczihmei ramh the. Ntaw aniu Ravguangc lev maniat the, aniu ta laalou the, Ravguangc lev khangriang nai the, nthanmei khanvbamv maekmei swna Ravguangc khou tiilou the. Ravguangc mikzaw khou aniu nkhuamei sw dat mak khe.

John 3:16-17 tei pac o

Mi Baibal chyam hei makumhna pac dat dat o.

Kang Khat Kaphianhmei

Pu ramzian lam khou mi Baibal chyam khou rui nang howpatmei guay kathai kariu o. Thaymei guay nang tuang handout khou hylou o.

Pu ramzian heidikamv daic e. Zanh lev ze guanhna, theihchouc khou theiclouna, ringcthaudatna kauh thangc ku kanmei Jisu khou aniu khang Kamei rui ramh guayna tiilou the. Ravguangc khatni maansei khou aniu rui saloumei, ningloumei khatni taanloumei sime guay khang tingsaengzaeng tuang zanh lev ze tuang khaengmei swna kandih ta laaduaklou khang Kamei rui karana Kata tiipat the.

Mi Baibal chyam khou lev ntaw ganv khou nchamcmei **tabui bui** nai bo?

Ravguangc khatni karamzian. Sime.

Mi hei aniu khang ntaw ganv khou **tabui** kabac cho? **John 3:18** tei pac o

Latzan khatni dandi khou rui aniu tinsaengzaeng khang duak the. Aniu khou latzan keylou dat mak khe. Aniu ringcsuangmei laa the.

John 3:35 tei pac o

Mi Baibal chyam hei makumhna pac dat dat o.

Kang Khat Kaphianhmei

Pu ramzian lam khou mi Baibal chyam khou rui nang howpatmei guay kathai kariu o. Thaymei guay nang tuang handout khou hylou o.

Pu ramzian heidikamv daicna Kamei rui Nah Mpouh, Jisu khou ramh guayna tiilou the.

Mi Baibal chyam khou lev ntaw ganv khou nchamcmei **tabui bui** nai bo?

Ravguangc, Karamzian khatni Katuang tiime lwnlung.

Mi hei aniu khang ntaw ganv khou **tabui** kabac cho? **John 3:36** tei pac o

Nah Mpouh Ravguangc, Jisu khou lwmloumei guay ringcsuangmei nai the.

1 John 3:1 tei pac o

Mi Baibal chyam hei makumhna pac dat dat o.

Kang Khat Kaphianhmei

Pu ramzian lam khou mi Baibal chyam khou rui nang howpatmei guay kathai kariu o. Thaymei guay nang tuang handout khou hylou o.

Ravguangc rui aniu ta heidikamv nzianna Kamei rui aniu khang Jisu khou ramh guayna tiilou the. Aniu Kanac nunc di the. Kanac Mpouh ta nzianmei ramzian lev nchamcna aniu ta nzianmei Kamei hei aniu Pu the.

Mi Baibal chyam khou lev ntaw ganv khou nchamcmei **tabui bui** nai bo?

Ravguangc, Karamzian khatni kakhau lwmlouna Jisu tuang zanh lev ze khaengloumei ta laaloumei guay Ravguangc nac nunc the.

Mi hei aniu khang ntaw ganv khou **tabui** kabac cho?

Aniu hei Ravguangc nac e, aniu ta laalou the, Katuang kaikhunc khou Kanac swna laaloumei, Karamzian tingsaengzaeng khang laamei nunc e.

Kolossime 1:12-14 tei pac o

Mi Baibal chyam hei makumhna pac dat dat o.

Kang Khat Kaphianhmei

Pu ramzian lam khou mi Baibal chyam khou rui nang howpatmei guay kathai kariu o. Thaymei guay nang tuang handout khou hylou o.

Pu rui aniu ta heidikamv nzianna, Kanac Mpouh tuang zanh lev ze khaengloumei paan rui, Jisu khou naime, nai khwanmei, khatni nai punime guai aniu layla khang biuhmei tiswlou the. Ravguangc nac swna aniu ni katuang dam Khrista khou lay laa the.

Mi Baibal chyam khou lev ntaw ganv khou nchamcmei **tabui bui** nai bo?

Ravguangc, Karamzian, Kakheiliak, tingsaengzaeng Kanac Mpouh tuang zanh lev ze khaengloumei.

Mi hei aniu khang ntaw ganv khou **tabui** kabac cho?

Jisu khou naime, nai khwanmei khatni nai punime guay aniu laa the. Aniu zinghmei pumtan khou rui duak the. Aniu Ravguangc Guangcdic, Katuang Gaanhmei Guangcdic khou bam the, Jisu lev kadam laa nchamc the.

Mi Baibal chyam khou rui Ravguangc lam khou nang thayloumei akhat kiu **tabui** tei cho?

Pu ramzian.

Racndauhmei

Pu rui kaniw ta nzian e twmei thaymei khou rui kaniw khang tabui laatow cho twmei meic kathuicna latzwan kanei kathumh na sa khang meic kathuic ta sa o.

Nang piu khang dawlou/huayney nime **tabui** tei cho?

Session 7: Nah Mpouh Ramzian

*Ravguangc aniu ta nzianna Kata maansei tiswlouna,
aniu Kamei lev nzianmei kiangriang tinailou the.*

Laancpatmei Ravsuai

Mi session hei huayneylouna laancpatlou khang gaanv khat ta sa o.

Kalummei

Jisu tuang zanh lev ze khaengloumei ta ndauhmei kalummei lu kanei kathumh kapahna suan kariu o.

Baibal Kathaime

Ravguangc hei kahu nungc ni, ntaw ni, thei thangc Karana kiangriang nthuihmei khou bam e. Pu, Nah Mpouh Jisu, khatni Bumaengh Thanmei hei nthuihmei akhat re, gaanv thumh rui akhat swmei. Ravguangc akhat. Ravguangc Nac Mpouh, Jisu tuang nzianmei kiangriang lam aniu kathai puni.

Jisu ramzian heidikamv daic e twmei thu aniu khang zanh lev ze khaengmei swkhang kamei ramh guayna ganclou the. Kumsini, Katuang nzianmei mbu mbuna thay khang khatni tingmik pum Ravguangc khou rui guangmei padikmei panty, nzianmei, nchumhmei khatni pumtan khatni Ravguangc ta laa khang nkhlavlou o.

John 10:14-18 tei pac o

Mi Baibal chyam hei makumhna pac dat dat o.

Kang Khat Kaphianhmei

Jisu ramzian lam khou mi Baibal chyam khou rui nang howpatmei guay kathai kariu o. Thaymei guay nang tuang handout khou hylou o.

Jisu ramzian heidikamv daic e. Jisu Kapanty tii pat nime tii pat lakmei kanyng de, tiki Pu rui chwnmei khou Kapanty tii pat khang Kamei kapah the. Ravguangc heidikamv nzian e. Kamei rui Kakhau ramh katana tiilou the. Jisu ramh guayna ganclouna zanh lev ze guanh khang kapah the, theihchouc khou theiclouna, ringcthou datna kauh ku khang. Ravguangc khatni maansei khou aniu rui sime salou kanmei, ninglou kanmei, khatni taancloou kanmei kaguay kuaklou khang, tingsaengzaeng khang zanh lev ze khaenglou khang Ravguangc rui Kata tii pat the. Jisu rui Kata, katuang ringcthaudatmei panty, nzianmei, nchumhmei, sime bumaengc khatni meic pumc ruc khou pumtan khatni ngamv, tingmik pum tiilou tanh tan bam e. Kamei hei aniu khang gaymei gaengcloumeipu e.

Racndauhmei

Jisu hei kaniw gaymei gaengcloumeipu e twmei thaymei khou rui kaniw khang gaengmei laatowmei latzwan kanei kathumh sa khang mei kathuic ta sa o.

Kalumlu 23 tei pac o

Mi Baibal chyam hei makumhna pac dat dat o.

Kang Khat Kaphianhmei

Gaymei gaenghpouh Jisu rui nang khang taancloumei tei kathai kariu o. Thaymei guay nang tuang handout khou hylou o.

Akhang kage naimei guay Jisu rui tiilou tanh tan e.

Jisu rui akhang zaengthaek khatni taektw tiilou e.

Jisu rui ata tikaluanlou e khatni akhang ringhmei dui tiilou e.

Jisu rui abumaengc, alungning khatni apumc tigaylou dat e khatni tikaluanlou e.

Katuang nchumhmei khatni nzihmei thay khang, Kahym khang, Jisu rui ata zaylou e.

Ai theihmei nzaengc lim khou tat gut pw sini, ai ping mak e, kalamthu Jisu ata tat nduangh bam e.

Karamzian, karam madiat khatni katuang pumtan khatni kangamv rui Jisu rui ata swmlou e.

Jisu rui akhang ata zauczhmei nunc hu khou ngaidai taektw chamdaanvlou e. Jisu rui ata katuang champouhmei gin tiswlou e.

Katuang kanganv nai dat makmei padikmei khatni Ravguangc ramgai tuang thauc rui Jisu rui akhou teylou e.

Suai makna Ravguangc zauzian hei ai ringh saan akhou nai bam puni the, ntaw zanh lev ze swna bam khou ni. Ai tingsaengzaeng Ravguangc lev lungc bam puni.

Mi Baibal chyam khou lev ntaw ganv khou nchamcmei **tabui bui** nai bo?

Jisu hei Kalauziu nunc khang karana Kata tiipatlou tanh tan bammei gaymei lauziu gaenghpouc e.

Mi hei aniu khang ntaw ganv khou **tabui** kabac cho?

Kalwnlung swmei, Kamei rui taancloumei, Kamei rui taanclou bammei, khatni taanclou khang latryan swloumei khou, aniu Jisu khou zaengthaek ngam e.

Mi Baibal chyam khou rui Ravguangc lam khou nang thayloumei akhat kiu **tabui** tei cho?

Ravguangc rui Jisu khou aniu khang katuang kapwm tiilou e kalamthu Kamei heidikamv nzian e.

Mi Jisu khou Ravguangc ramzian hei **adih** tanc cho? **Rommei 8:39** tei pac o

Jisu khou Ravguangc rui aniu ta nzianmei ramzian hei aniu tuang suanmei khatni mi kandih tuang sime kaguay kazauhna, ramh guayna suangc daic liangtanc liang e.

Nang piu khang dawlou/huayney nime **tabui** tei cho?

Session 8: Bumaengh Thanmei Ramzian

Bumaengh khatni Nowpeic rui sa e “Guang tho!” Samei tei chumei guay guang kan diu. Tarimei guay guang kan diu. Ringhmei dui kahawmei guay guang kan diu.

Laanccpatmei Ravsuai

Mi session hei huayneylouna laanccpatlou khang gaanv khat ta sa o.

Kalummei

Ravguangc tuang ramzian ndauhmei tuang kalummei lu kanei kathumh kapahna suan kariu o.

Baibal Kathaime

Ravguangc hei kahu nungc ni, ntaw ni, thei thangc Karana kiangriang nthuihmei khou bam e. Pu, Nah Mpouh Jisu, khatni Bumaengh Thanmei hei nthuihmei akhat re, gaanv thumh rui akhat swmei. Ravguangc akhat. Ravguangc Nac Mpouh, Jisu tuang nzianmei kiangriang lam aniu kathai puni.

Ravguangc ramzian heidikamv daihmeita hei aniu thay tangc ngam mak e. Bumaengh Thanmei ramzian thu karana khou khatsini souclou mak e. Kumh mak laki, Kamei rui ndauhlou, kiuc di the twna nchinlou, ti kalaiclou khatni aniu lung khou lungclouna, aniu katuang katuang lwnlung khou pumtan naina khatni madiatna aniu Pu ramzian khatni Nah Mpouh Jisu ramzian laatow khang swlou e.

Bumaengh Thanmei rui **thow** lam dinc ndauh bu cho, khatni **thow** hym tidaic bu cho?

John 16:13-15 tei pac o

Jisu.

Akumhna Ravguangc tuang nzianmei, gaanv khat khat swna, pumtan naina khatni maniatna aniu lung khou bun keylou tu cho?

Rommei 5:5-8 tei pac o

Bumaengh Thanmei rui aniu khou lungclouna.

Rommei 8:14-16 tei pac o

Mi Baibal chyam hei makumhna pac dat dat o.

Kang Khat Kaphianhmei

Bumaengh Thanmei ramzian lam khou mi Baibal chyam khou rui nang howpatmei guay kathai kariu o. Thaymei guay nang tuang handout khou hylou o.

Ravguangc ramzian heidikamv daicna, Jisu rui kamanv maekna Kata tiime kaipat aniu laalou kan e thei, Jisu tuang Bumaengc, Ravguangc tuang Bumaengc aniu laa the, Bumaengh Thanmei aniu lungc khou bam the. Aniu Ravguangc nac nunc di the khatni Ravguangc hei nzianmei aniu Pu di the.

Lwmmei guay (nggaanvmei ni ntumei ni) Ravguangc nac nunc di the, kalamthu kaniw Katuang Bumaengc laa the. 'Ravguangc nac nunc' twmei hei rui ntaw aniu Ravguangc khou nai bammei kiangriang ta dinc e. Kanac swna laaloumei hei guangh nac mpouh nareime, mpouh nareime tuang dihriak rui nuhmei dam guay nchamcna laa khang laaloumei tuang e. Mi zaeng rui aniu hei Ravguangc Guangcdic tuang Guangc Jisu lev kadam nchamcna laa nime nunc e.

Racndauhmei

Kaniw Ravguangc nac (guangh nac nareime kumhmei) e twmei thaymei hei kaniw khang tabui kabac e twna laa cho twmei latzwan kanei kathumh khou meic kathuic sa khang sa o.

Mi Baibal chyam khou rui Ravguangc lam khou nang thayloumei akhat kiu **tabui** tei cho?

Ravguangc rui Jisu khou aniu khang katuang kapwm tiilou e, , Kamei rui aniu khang Kanac swmei tuang Katuang Bumaengc tii the, kalamthu Ravguangc rui aniu ta heidikamv nzian e.

Nang piu khang dawlou/huayney nime **tabui** tei cho?

Session 9: Ai kumhmei ta Laaloumei

Karamzian khou ariw the. Ai kumhmei ta laalou the. Tingsaengzaeng khang tat thau the. Padikmei panty khou. Daimei Ai e twmeipu khou.

Laancpatmei Ravsuai


Mi session hei huayneylouna laancpatlou khang gaanv khat ta sa o.

Kalummei

Ai kumhmei ta Ravguangc rui laalou e twmei ndauhmei tuang kalummei lu kanei kathumh kapahna suan kariu khang sa o.

Chepaek Padeih tuang Taanv

Kaemv 1: Meic kathuicna chepaek akhat khat laana mi tei padeih khang swkaek pat o. Kabangc khou hyloumei puat nunc ta nchin khang ramhmaengc katuang tuang chepaek humei khou meickathuic hylou o.



Chepaek 1 = Ai. Chepaek 2 = Akai kaikhunc. Chepaek 3 = Ai Latrik Nchammei. Chepaek 4 = Atuang Namv.

Kaemv 2: Meic kathuicna karana kalam, kakai kaikhunc lam, katuang skul lam, khatni karamcmei lam samna kamaengc rui khatni latkaeng rui dinh khang kaniw tuang chepaek thei khou tei hylou o. Mi chepaek khou tei zanh hylou rio.

Chepaek 1: Nang rana nang ta akumh e twna ningbo? (neihlamei ramh e thei lungh ryanramei zaw ziaklou o). Ata nzian dai? Aramcmei rui ata lwanlou dai? Ai tabui khou gay bo? Ai tabui sw ni bo? Tabui khouringc ta ai kahaw bo? Tabui taektw ai kahaw bo? Ai tabui kumhmei mei sw nii bo? Ai tabui ta ping bo?

Chepaek 2: Akai khou thow nai bo? Akai tuang ravrih akumh cho? Tabui rav ta akai lwm cho. Aruc khou bammei nunc tabui kumhmei meicho? (neihlamei ramh e thei neila makmei zaw ziaklou o)

Chepaek 3: Ai apanty ta akumhna ning bo? (neihlamei ramh e thei neila makmei zaw ziaklou o). Ai alauc sw bammei douc thayloumei akhat tabui tei cho? Hei kumhmei akhou dincloumeipu tei tabui kumhmei meic cho? Ai thay khang kahawmei subject/topic tabui tei bo? Thay kungc liangmei subject/topic tabui tei cho? Thay gay liangmei subject/topic tabui tei cho? Akhang kadanmei bamv tabui bui tei cho? Akhang kadan makmei bamv tabui bui tei cho?

Chepaek 4: Ai bammei bam khou ai tabui kahaw bo? Ai bammei bamv khou tabui ta tei ai kahaw mak bo? Ai bammei bamv khou gaanvdaihmei nunc tabui sw bam bo? Gaanvdaihmei nunc rui ata akumhna nkhaulou bo?

Kaemv 3: Chepaek khou hylou nimei guay tei meic guayna hylou tang e thei kaniw tuang chepaek tei nang khou tiilou khang e. Gaanv khat tuang kapaek padeih padeih tei lou kariu o.

Kaemv 4: Meic guayna khang katuang katuang ramh makmei chepaek padeih padeih tei tii o. Mi tei thow tuang cho twmei tithay nuh mak e khatni gaanv khatna sini mi tei thow tuang cho twmei thay nuh mak e.

Kaemv 5: Meic guayna kakhau kakhau tiiloumei chepaek padeih tei khat khat swna kakang khau rac ndauh khang e.

Kang Khat Kaphianhmei

Chepaek nunc khou tei tabui hylou cho twmei kaphianh o.

Meic kathuicna kaniw lam khou khatni kaniw bammei lwnlung lam khou akumhna ningna kaniw khat khat kak khou **akumhna** lungc bam cho?

Meic kathuicna khat khat khou rui nchamc makmei asaekc **tabui** tei nai bo?

Meicnunc rui aniu ta laaloumei ta meic guayna kahaw e. Aniu ta nzianloumei kahaw e. Meicnunc rui aniu ta laalou khang khatni nzian khang aniu phu ethei kaniw khatni lwnlung rui aniu ta sinsw khang ngamv nai the.

Thaureyme 29:31-35 tei pac o

Kang Khat Kaphianhmei

Lea lev Ravguangc lam khou nang howpatmei kathai kariu o. Thaymei guay nang tuang handout khou hylou o.

Kathaek 31 Ravguangc Lea lam khou tabui thay bo?

Kata nzianlou mak khwan e.

Kathaek 32 Kamei nah mpouh puanc ethei kakhang tabui sw puni twnalwmgay bam khwan bo?

Kagaanv rui kata nzian puni.

Kathaek 33 Kamei mpouh puanc pwkhou Lea gaanv rui Lea ta nzian bo?

Kumh mak e.

Verse 34 Kathaek 34 Kanac mpouh gaanv thumh puanhmei tang Lea gaanv kata nzian bo?

Kumh mak e.

Kathaek 35 Kanac mpouh gaanv padeih puanhmei tang Lea tabui sa bo?

Ntawthu ai Ravguangc ta thuanc ni.

Aniu ta nzianloumei , lwanloumei aniu khang kage nai e twmei Ravguangc thay e. Ravguangc rui kata adih nzian cho twmei lyanna, Lea kalung rui kahawmei mpouh Ravguangc rui tiilou e. Ravguangc rui katuang raeng khou kakhang ni kabamv tiilou e. Kanac mpouh padeihmei khou rui guangmei kaikhwang khou rui, Ravguangc zanh lev ze guanhna Jisu puanc e.

Aniu ta Ravguangc rui adih nzian cho twmei, aniu kumhmei ta Kamei rui laalou e twmei, Kamikzaw khou aniu adih howgay cho twmei, kandih damclou mak khou rui aniu ta katuang raeng khou kadam laa khang kadahlou e twmei thay pwkhouaniu ta kachangc changhna tiduaklou the kalamthu aniu rui meic baihmei maansei nunc rui nzianmei ramh ethei lwanloumei ta phu mak khe. Ntaw thu aniu Karamzian khatni Kamei rui lwanloumei hei biuc the twmei khou ntaw thu aniu lungc the.

Rommei 15:7 lev **Latdiutatmei 10:34** tei pac o

Mi thaek nunc khou rui nang Ravguangc lam khou thaymei akhat **tabui** tei cho?

Ravguangc rui meic guayna ta laalou e. Kamei rui ai kumhmei ta laalou e.

Jisu rui **Matthiu 11:28** khou sa e - *“Taanv ranvna taancna khatni puatc nritmei phungcna lakmei thi, nangniw akhou guang o, ai rui nangniw ta timalalou puni.”* (BSI)

Nang piu khang dawlou/huayney nime **tabui** tei cho?

Session 10: Identity-Bumaengh khou Puanhmei

Ravguangc: Bumaengh zanh lev ze khou puanhmei, zanh lev ze khou puanhmei guay khang zanh lev ze tuang khaengmei swkhang, heikumc ethei kaniw tei zanh lev ze swna Bumaengh khou puanh khang.

Laancpatmei Ravsuai

Mi session hei huayneylouna laancpatlou khang gaanv khat ta sa o.

Kalummei

Ai Bumaengh khou puanc the, Ravguangc nac di the twna ndauhmei tuang kalummei lu kanei kathumh kapahna suan kariu o.

Baibal Kathaime

Jisu rui Katuang zanh lev ze khaengloumei ta lwmlouna laaloumei guay Ravguangc Bumaengc laa the twmei aniu thay kanmei tei-Bumaeng Thanmei aniu lungc khou nai the. Mi hei ntaw aniu tampy laatowmei the, aniu Ravguangc nac the (guangh nac mpouh nareime kumcna), Jisu lev kadam laa nchamcmei, ntaw mi sime rui swkasicloumei kandic khou Ravguangc Guangcdic khou bammei e.

Ravguangc aniu kumhmei sw khang kapah the, kalamthu Kamei aniu ta nziane, kumnami khuang ganv kahak khou tei, Bumaengh Thanmei khou rui Jisu zanh lev ze swna ntumei khou rui puanc the, kumna aniu zanh lev ze khou rui puanhmei nunc rui Jisu tuang nthuihmei tingsaengzaeng khang zanh lev ze khaengloumei khou lwmloumei khatni laaloumei paan rui Bumaengh khou puanc the.

John 1:12-13 tei pac o

Zanh lev ze swna puanhmei aniu tabui swna Bumaengh khou puanc khang kage nai tu cho twmei, Ravguangc tuang pary, Katuang kalingmei nzianmei pary, Baibal khou rui aniu kathai puni.

1 Korinthmei 15:47-51 tei pac o

Mi Baibal chyam hei makumhna pac dat dat o.

Kang Khat Kaphianhmei

Reyme maanse (zanh lev ze khou rui puanhmei) khatni kaneime Maanse (Zanh lev ze khou puanhmei Bumaengh tuang Jisu) lamv khou mi Baibal bamv khou rui nang howpatmei guay kathai kariu o. Thaymei guay nang tuang handout khou hylou o.

Reyme maanse tei **tabui** rui kasiamh tu cho?

Niang rui.

Jisu tuang zanh lev zeikhaengloumei ta aniu laalou makmei hu khou aniu thow tuanglwn khou, thow ta luicna **thow** kumc bam bu cho?

Reyme maanse - niang tuang mei.

Jisu zanh lev ze khaengloumei ta aniu laaloumei tang aniu thow tuang lwn, thow ta luicna **thow** kumc dat bo?

Kaneimeime maanse - Tingkauh khou rui keymei Poubauhmei - Jisu.

Mi hei ntaw aniu tampy laatowmei e. Aniu khou Jisu tuang lwnliak nai the, Katuang Bumaengc-Bumaengh Thanmei khou rui puanhmei zanh lev ze, Ravguangc nac (guangh nac mpouh nareimeime kumcna), Jisu lev kadam laa nchamcmei, mi simeime rui swkasicloumeime kandic khou, Ravguangc Guangcdic khou lungc bammeime.

1 Korinthmeime 15:50-55 teime pac o

Mi Baibal chyam hei makumhna pac dat dat o.

Kang Khat Kaphianhmeime

Niang rui kasiamhmeime maanseime (zanh lev ze khou rui puanhmeime) lev Bumaengh tuang Jisu (zanh lev ze guanhmeime) tuang lam khou mi Baibal chyam khou rui nang howpatmeime guay kathai kariu o. Thaymeime guay nang tuang handout khou hylou o.

Zanh lev ze khou rui puanhmeime maanseime tuang lwnlung khatni kalam-kaliak **tabui** teime cho?

Kasicmeime, lungning nthan makmeime khatni maanmeime, theih khang bammeime.

Jisu tuang lwnlung khatni kalam-kaliak **tabui** teime cho?

Kasic zat makmeime, lungning nthanmeime, tingsaengzaeng nai punimeime, ringh khang bammeime.

Simeipu tuang guatmeime khatni simeime gaimeime thaymeime khou tuna, kadam laa nchamcna kameime lev akhatna swkhang kadah khou rui reymeime maanseime teime swkasihloumeime thu sw the. Heizaeng rui maanseime kapwmna hei mi swkasicloumeime lwnlung khou puanc the. Kaneimeime maanseime Jisu, Bumaengh Thanmeime thu, sw kasiclou zat makmeime thu zanh lev ze swna ntumeime khou rui puanc the. Jisu hei nthuihmeime zanh lev ze khaengmeime e.

Rommeime 5:14-19 teime pac o

Mi Baibal chyam hei makumhna pac dat dat o.

Kang Khat Kaphianhmeime

Niang rui kasiamhmeime maanseime (zanh lev ze khou rui puanhmeime) khatni Bumaengh tuang Jisu (zanh lev ze guanhmeime) tuang thai mi Baibal chyam khou rui nang howpatmeime guay kathai kariu o. Thaymeime guay nang tuang handout khou hylou o.

Reymeime maanseime tuang nkhuailoumeime thai **tabui** cho?

Kathaek 16 Latzan khou nkhuai the.

Kathaek 17 Theihmeime rui guanghtu the.

Kata laaloumeime guay khang kaneimeime maanseime tuang kamanv maekmeime kaipat thai **tabui** cho?

Kathaek 16 Sw nchumhlou the, khuay khou rui duak the.

Kathaek 17 Jisu khou ringhmeime rui guanghtu the.

Kolossimeime 2:13-15 teime pac o

Reymeimei maansei tuang khuay thai **tabui** cho?

Kathaek 13 Ravguangc khatni maansei ma khou nkhuamei taanclouna khatni swkasiclou nimeizanh tuang simeikakhangna kahawmei phac khou mancna theihmei khou keylou the.

Kaneimeimei maansei tei rui karana Kata kaipatswana tiimeitailaloumeiguay **tabui** sw bo?

Kathaek 13 Swkasiloumeizanh tuang kahawmeitangamnatiringclou the, kalamthuanikhuayguay kuaklou the.

Kathaek 14 Aniu khuay maek khe.

Kathaek 15 Jisu rui ngamlouna ntaw kapumtan maekna kangkai khou bammei ngamv khatnipumtan guay ta ngam the.

Mi hei ntaw aniu tampylaadowmei the. Theihmeimat, latzan khatnikhuay khou rui duakna, aniu ta ti-nzihlouna mi panty khou hei aniu pumc, simeibumaengc guay khatni Jisu rui guangtumeitatanuh makmeipumtan guay ruc khou guanghtu the. Satan khatni simeibumaengc guay rui khuay nkham dat khang maek khe kalamthu kaniw tuang pumtan guay khatni buybaeng guay, theihchouc khou Jisu rui rihngamloumeitei rui laa ganc ngam the.

Simeirui swkasicloumeimi kandic khou hei, Bumaengh khou rui puanhmeizanh lev zeianiu ta hei, Jisu tuang rihngammeikhou tiringclou the.

Aniu ni thei thangc laa nimeitampy nai e.

1 Korinthmei 15:20-23 tei pac o

Mi Baibal chyam hei makumhna pac dat dat o.

Kang Khat Kaphianhmei

Niang rui kasiamhmeimaansei (zanh lev zeikhou rui puanhmei) khatni Bumaengh tuang Jisu (zanh lev zeiguanhmei) tuang thai mi Baibal chyam khou rui nang howpatmeiguay kathai kariu o. Thaymeiguay nang tuang handout khou hylou o.

Thow theihmeikhou rui ringcthau dat kan to?

Jisu.

Jisu Kahym daicna mi kandih khou guang dat pwkhou, gaanvdaih key dat zat makmei, nnau dat zat makmei, lak key dat zat makmei, nthuihmeipumc khou **thow** ringcthau puni cho?

Jisu rui karana Kata, Katuang zanh lev zeikhaengloumeikaipat tiimeitailwmna laaloumeiguay, kalamthu kaniw Bumaengh khou rui puanhmei, Ravguangc nac nunc di the.

Ndauhloumei 1:18 tei pac o

Zanh lev zeituang nthuihmeikhaengmeipuat swlouna, theiclouna, nthuihmeiringcthau

datmei pumc swna, tingkauh thangc kuna, theihmei khatni tingsaengzaeng ruc khou pumtan naina tingsaengzaeng ringc bammeipu kiu **thow** cho?

Jisu.

Ndauhloumei 1:5-6 tei pac o

Lwmnuhmei sakhi, ringcthaudat reymeis pumc, kauh liangmei pumtan khatni kaguayna ruc khou kaipouc kiu **thow** cho?

Jisu.

Tabui zaeng rui Jisu mi guay hei aniu khang taanclou tu cho?

Kalamthu Kamei aniu ta nzian e.

Bumaengh khou rui puancna, Ravguangc nac swmei ruc khouJisu rui karana Kata, Katuang zanh lev zeis khaengloumei kaipat tiimeis ta lwmna laalou pwkhou, aniu **tabui** ni sw bo?

Guangh nunc (satan, simeis bumaengc guay khatni aniu zanhpumc ruc khou guanghtumeis) khatni amuh nunc (Ravguangc khatni meic baihmeis lev nzianmeis kiangriang).

Jisu ringcthaudatmeis tei nthuihmeis meic pumc ringcthaudat reymeis e, mi zaeng rui simeis rui swkasicloumeis kandic khou hei ntaw aniu rih ngamna lungc ngammeis na ramhna, thei thangc ni nthuihmeis kachac dat zat makmeis, theic dat zat makmeis pumc khou ringcthauna, simeis rui swkasic makmeis kandih kathanc khou tingsaengzaeng lungc punimeis tuang machunhmeis khou lung h khang e. Jisu kandih khou guang dat pwkhou, Jisu rui Katuang zanh lev zeis khaengloumei kaipat ta laaloumeis aniu nthuihmeis ringcthaumeis pumc laa puni.

Mi hei aniu thei thangc laa nimeis tampy e. Ravguangc rui aniu ta nzianpui zaeng rui, Jisu zanh lev zeis guanh khang kapahna, Bumaengh Thanmeis khou rui, ntumeis khou puanc the. Kameis rui damcloumeis maanseis khou guang the. Maanseis rui nkhuailoupui zaeng rui, Ravguangc tuang baansyam ta simeis rui swkasiclou the. Nchamc makmeis, sin binmeis, simeis khatni theihmeis rui guanghtu the. Ravguangc rui heidikamv nzianpui zaeng rui, ntaw ni thei thangc ni, aniu zanh lev zeis khou rui Bumaengh khou puanhmeis mpouh nunc sw khang, Jisu tampy laa nimeis mpouh nareimeis swna guang the. Hallelujah!

Mi session khou rui nang Ravguangc lam khou thayloumeis akhat **tabui** tei cho?

Jisu zanh le zeis swna lungc guangmeis hei rui, Ravguangc aniu ta heidikamv nzian e twmeis nthanna lyanlou e.

Nang piu khang dawlou/huayney nimeis **tabui** tei cho?

Session 11: Nzianmei khou Laaloumei

*Maansei khang kage naimei kanei: laaloumei ta kahawmei khatni nzianloumei ta kahawmei.
Ravguangc rui aniu ta Nzianmei khou (nzian liangmei Jisu khou) laalou the (chakhwang swna).*

Laancpatmei Ravsuai

Mi session hei huayneylouna laancpatlou khang gaanv khat ta sa o.

Kalummei

Ata Ravguangc nzian e, Khrista khou ata chakhwang swlou e khatni suaihiamlou e twmei ndauhmei kalummei lu kanei kathumh kapahna suan kariu o.

Baibal Kathaime

Jisu rui Katuang zanh lev ze khaengloumei ta lwmlouna laaloumei guay Ravguangc Bumaengc laa the twmei aniu thay kanmei tei-Bumaeng Thanmei aniu lungc khou nai the. Mi hei ntaw aniu tampy laatowmei the, aniu Ravguangc nac the (guangh nac mpouh nareime kumcna), Jisu lev kadam laa nchamcmei, ntaw mi sime rui swkasicloumei kandic khou Ravguangc Guangcdic khou bammei e.

Ravguangc aniu kumhmei sw khang kapah the, kalamthu Kamei aniu ta nziane, kumna mi khuang ganv kahak khou tei, Bumaengh Thanmei khou rui Jisu zanh lev ze swna ntumei khou rui puanc the, kumna aniu zanh lev ze khou rui puanhmei nunc rui Jisu tuang nthuihmei tingsaengzaeng khang zanh lev ze khaengloumei khou lwmloumei khatni laaloumei paan rui Bumaengh khou puanc the.

Katuang pary, Katuang kalingmei nzianmei pary, Baibal khou rui, Pu ramzian, kasuaihiam, kamei ningmei (kalung rui kahawmei) khatni tingsaengzaeng khang guloumei lam aniu kathai puni.

Ephesime 1:3-14 tei pac o

Mi Baibal chyam hei makumhna pac dat dat o.

Kang Khat Kaphianhmei

Nang howpatmei guay kathai kariu o. Thaymei guay nang tuang handout khou hylou o.

Ravguangc rui ningmei khatni swlou nime aniu khou kamei rui ndauhloumei **tabui** tei cho?

Kathaek 9-10 tei pac o

Kaganv nthuih guang pwkhou, tingkauh khatni kandih khou naime kaguayna Khrista khou akhatna sw khang e.

Ntaw aniu tuang sw bam khang, Pu Ravguangc rui aniu khang **tabui** tiilou tha (tat kanmei ganv khou)? **Kathaek 3** tei pac o

Bumaengh tuang suaihiam kathuic.

Mi suaihiam hei **tabui khou** nai bo?

Tingkauh bamv nunc khou.

Mi hei laa khang aniu **thow** khou bam bo ramh ethei **thow** lev akhatna sw bo?

Khrista Jisu.

Ntaw kanganv khouhei, Khrista tingkauh khou ngamv tuang bamv khou dungc bammei kumcna, aniu ni bam the. Ntaw kanganv khou hei, Khrista kumcna aniu khou bumaengh tuang suaihiam nai the. Mi tangv tuang thaek khou hei mi suaihiam asaekc tuang lam dincloou puni.

Aniu Khrista khou **thow** cho (ntaw), Pu Ravguangc rui aniu khou tiiloumei (tatkanmei) khou rui? Mi hei nang khang laana nang daw nime i khou tei “ai” twna hylou o. **Kathaek 4-5** tei pac o

Lat khang: Nzianna, Kalung rui kahawmei theilayna Pu rui ningmei khou, nthanmei, khanbamv maekmei nac mpouh (nzian liangmei) swna, ata laalou the.

Jisu hei Ravguangc tuang ‘nzianmei’ Nac Mpouh e, Pu tuang nzian liangmei e. Aniu ni Kamei rui laaloumei nzianmei ‘nac nunc’ e. Pu lev Nah Mpouh kak khou nzianmei ramzian khou tei ntaw aniu bumaengh tuang kachangc changhmei panty khou lungc bam the. Aniu hei Kalung rui kahawmei nunc e.

Aniu Khrista khou **thow** cho (ntaw), Pu Ravguangc rui aniu khou tiiloumei (tatkanmei) khou rui? Mi hei nang khang laana nang daw nime i khou tei “ai” twna hylou o. **Kathaek 7-8** tei pac o

Lat khang: Kanganv maekmei khatni gaat makmei Ravguangc zauzian paan rui, Jisu tuang zanh khatni zei Kamei rui khaengloumei paan rui, ata tingsaengzaeng khang thuakpatlou the khatni kuaklou the.

Aniu Khrista khou **thow** cho (ntaw), Pu Ravguangc rui aniu khou tiiloumei (tatkanmei) khou rui? Mi hei nang khang laana nang daw nime i khou tei “ai” twna hylou o. **Kathaek 11** tei pac o

Lat khang: Ai tampy laa niime i tei laa (ntaw) kalamthu mi hei Ravguangc tiiloumei tangcnime i khatni kalung rui kahawmei e.

Aniu Khrista khou **thow** cho (ntaw), Pu Ravguangc rui aniu khou tiiloumei (tatkanmei) khou rui? Mi hei nang khang laana nang daw nime i khou tei “ai” twna hylou o. **Kathaek 13-14** tei pac o

Lat khang: Akhou Bumaengh Thanmei rui seal diangcloou the, ai tampy laa niime i guay tei suai mak khe twna (ntaw khatni thei thangc).

Ntaw, Khrista tingkauh khou ngamv tuang bamv khou dungc bammei khou, aniu ni bam the twmei ningtow o. Ntaw, Khrista kumcna aniu khang bumaengh tuang suaihiam guay nai the.

Ephesime i 1:21-23 tei pac o

Mi Baibal chyam hei makumhna pac dat dat o.

Kang Khat Kaphianhmei

Nang howpatmei guay kathai kariu o. Thaymei guay nang tuang handout khou hylou o.

Ntaw khatni guang nime i ganv khou Jisu tuang pumtan khatni ngamv **azuh** nai cho?

Kathaek 21 tei pac o

Kaipouc nunc, dihsinmei nunc, pumtan, ngamv khatni kazanc naime i kapwmna ruc khou.

Jisu tuang nthuihmei kiu **thow** cho? **Kathaek 23** tei pac o

Jisu katuang zanh lev ze khaengloumei ta laaloumei lwmmei guay.

Jisu rui katuang zanh lev ze khaengloumei ta laaloumei lwmmei guay tuang nthuihmei kiu **thow** cho?

Khrista Jisu.

Ephesime 2:4-8 tei pac o

Mi Baibal chyam hei makumhna pac dat dat o.

Kang Khat Kaphianhmei

Nang rui howpatmei tei kathai kariu o. Thaymei guay nang tuang handout khou hylou o.

Ntaw aniu khang Khrista Jisu khou **tabui** nai bo? **Kathaek 5-6** tei pac o

Aniu ta Khrista lev tiringclou nchamc the. Tingkauh bamv guay khou tidungc ncham khang aniu pumc rui kahawmei khatni satan khatni sime bumaengc guay ruc khou naime Khrista tuang ngamv khatni pumtan paan rui aniuta tiringcthaulou the.

Tabui zaeng Ravguangc rui aniu ta tiringclouna tingkauh khou Khrista tuang pumtan khatni ngamv khou tidungc nchamclou khang zaythaulou tu cho? **Kathaek 4-8** tei pac o

Ravguangc rui aniu ta heidi daicna nzianpui zaeng rui e. Mi guay khou rui Ravguangc rui Katuang kanganv nai dat makmei ramzian, zauzian, nzianloumei khatni heizumei suaihiam guay aniu khang ndauhlou e.

Ephesime 1:15-19 tei pac o

Paul rui nthanmei nunc khang **tabui** tiilou khang huayneylou bo?

Kathaek 17 Kaniw Kata thay mbu khang Ravguangc rui kaniw khou ningting Bumaengc tiilou khang.

Kathaek 18 Katuang nchumhmei how mbu khang, Katuang zanh lev ze khaengloumei khou lwmlouna laaloumei, Katuang hymdaihmei lanv swmei nunc, machunhmei khatni suaihiam guay (ntaw khatni thei thangc) thay mbu khang Ravguangc rui kaniw lungning laanclou khang.

Kathaek 19 Katuang daihmei pumtan ta thay khang.

Mi Baibal chyam khou rui Ravguangc lam khou nang thayloumei akhat kiu **tabui** tei cho?

Ravguangc tuang nzianmei, pumtan khatni sakbi sakba makmei suaihiam hei kanganv maek e. Kamei rui ata katuang thuanhmei khatni hymdaihmei swna howlou e.

Nang piu khang dawlou/huayney nime **tabui** tei cho?

Session 12: Kiangriang nunc

Seminar kazauhmei mei: "Luairyn luai tuang kiangriang lam thaymei, Jisu khou rui laamei ganv, Pu rui ningmei khou gutloumei, mi hei akhang nthuk liangmei e."

Laanccpatmei Ravsuai

Mi session hei huayneylouna laanccpatlou khang gaanv khat ta sa o.

Kalummei

Jisu khou akhatna swmei, ramh e thei Jisu lev aniu luairyn luai lev kachy tuang kiangriang kumhmei, ramh e thei Jisu ramzian khou lungc bammei ndauhmei tuang kalummei lu kanei kathumh kapahna suan kariu o.

Pary

Nang hei luairyn luai daihmei akhat tuang chy e twna KAKHANH O.

Nang hei luairyn luai bangkui khou alamvlou bam e, pykwan taanhmeipu rui ningmei bangc khou bam e.

Nang hei mi khou tei thaengc bam tuang na de, baihmei ramh e, kaluai khou rui thaengc key bam tuang na de.

Ntaw nang bangkui khou thaengc bampui zaeng rui, luairyn tuang gaymei guay kamaan khou rui nang khou bangkui khou rui luangc guanglou bam tuang e. Dui, khatni ringc nimei taektw guay nang khou kaluai khou rui luangc guanglou bam tuang e.

Nang rui sw bammei kiu gaymei guay laana, kaluai khou thaengc bammei tei e.

Neih khat, nang khou 'paluimei' kumhmeipat the. Nang meic pha the twmei thay pat the.

Kathai chuam lau launa puak pat the. Puak (nzianmei), puak, puak (neihlamei, chuzanghmei), puak, puak, puak (khaengvthaymei, zianthaymei, gaymei) puak, puak, puak (lwmmuhmei, nzaenghmei, sinriapmei).

Nang khou neih souclouna ting riu keylou pwkhou, kaluai khou rui nang lungc khou ringhmei dui khatni kataek luangc guang the. Mi hei akumhna sw bam tu cho? Nang ramh khat sini sw mak e!

Nang rui sw bammei kiu kaluai khou thaengcna, mi khou tei rui gaymei laa bammei tei na de.

Mi hei pikwan taanhmei rui kahawmei e.

Mbaanv tuang kalwnlung riak khou, dui rui kauhmei khou rui nnamei khou luangc key e, ting, duibaek, zeih, baih baimek khou. Kaluai ringh khang dui kage nai e. Dui maek ethei mitei theic kanni de. Kachy tei ringh khang bangkui khou rui dui zangv nina de-bangkui khou rui laa nina de. Ringc lana kathai nthai khang kachy tei dui zangv nina de.

Ravguangc rui ramh guayna damclou timei zaeng rui mbaanv lwnlung khou kumcna bumaengh lwnlung khou ni ncham e.

Bumaengh lwnlung khou, Ringhmei Dui tei Ravguangc guangc bamvpaeng kauh thangc rui Jisu paan rui kachy pang khou luangc key e. Kachy pang tei ting khou rui zangv mak e-mi tei kandih khou rim keyna kachy guay tei bangkui khou rui zangvna, kamaan khatni bangkui khou rui gaymei guay laa bam tuang e.

John 15:1-8 tei pac o

Mi Baibal chyam hei makumhna pac dat dat o.

Kang Khat Kaphianhmei

Nang howpatmei guay kathai kariu o. Thaymei guay nang tuang handout khou hylou o.

Pikwan taanhmeipu kiu **thow** cho?

Pu Ravguangc.

Luairyn bangkui kiu **thow** cho?

Jisu.

Kaluai tuang bangkui khou rui patmei chy kiu **thow** cho?

Ai.

Bammei twmei kiu **tabui** kabac cho?

Kakhou bam khang Jisu rui sa e. Kakhou bammei twmei kabac thu (kabamv akhat khou, lwnlung, kiangriang ramh ethei rigwnmei): taanc nsukmei, bammei, khaengvmei, bam kazauhmei, bam duhmei ramh ethei dingmei.

Ai **akumhna** bam nina cho?


Nang thaymei nang tuang workbook khou hylou o.

Mbaanv tuang kalwnlung khou ringh khang khatni kathai khang kachy ni kataek tu nina e.

John 4:27-38 tei pac o

Lwnlung

Mi Baibal bamv khou hei Jisu rui khacloumeipui khou Jisu lat sa bam e. Mi tat kanmei ganv khou tei, Jihudimei akhat rui Samariamei ta, nkunna kaniw meic nunc rui khacloumei ntumei ta lat kachuc mak e, tiki Jisu (zanh lev zeikhou Jihudimei) mi khacloumeipui khou guangna, kakhou Ringhmei Dui (Ravguangc Bumaengc, Bumaengh Thanmei) lam khou sana Kamei thow cho, Ringhmei Dui patmei bamv e twmei dinclou e. Jisu ziap nunc guang dat pwkhou Jisu rui kaniw khou Katuang taektw tabui cho twmei khatni tay nimei lau lam khou dinclou e.



Khacloumeipui khou lat sa bammei, kamei thow cho twmei ndauhloumeilevKata thay punimei nunc ta lau tay nimei tuang dinc bammei dak khou, Jisu rui Katuang taektw tabui cho twmei dinclo e.

Kata tiringc bammei taektw kiu **tabui** e twna Jisu rui sa bo?

Kapu rui ningmei taanhmei khatni Kata taanh khang ndiuloumei taanv taanc luailou khang.

Ravguangc rui ramh guayna damclou timei zaeng rui mbaanv lwnlung khou kumcna bumaengh lwnlung khou ni ncham e.

Bumaengh khou, aniu Pu rui ningmei taanh khang katgutlouna, Kata kalumna, Kalat kathaina, Kadaeng khou kaganv laana Katuang gaymei guay Kakhou rui laana, Katuang Bumaengc paan rui tingmik tingmik khou aniu kalaic pat puni.

Pu Ravguangc rui ningmei khou katgutlouna, aniu Jisu khou rui laa bam **pwkhou**, aniu thow ta luihmei khou kalaic pat puni cho? **2 Korinthmei 3:17-18** tei pac o

Jisu.

Pu rui ningmei khou katgutlouna aniu Ringhmei Dui tei zangv ethei, **tabui** sw puni twna Jisu rui sa bo?

John 15:8 tei pac o

Kathai thu suai dat mak khe. *Ravguangc rui ramh guayna damclou timei zaeng rui mbaanv lwnlung khou kumcna bumaengh lwnlung khou ni ncham e.*

Aniu Pu rui ningmei khou katgutlouna Kapamv khou tingmik pum zangv bam **pwkhou** Bumaengh Thanmei rui aniu ta Khrista ta luihmei khou tikalaiclou puni. Katuang kheiliak aniu kheiliak sw puni. Jisu bang rui Jisu thai nthai puni. Bumaengh thai.

Pu rui ningmei khou katgutlou pwkhou, **tabui** tuang bumaengh thai khatni Ravguangc tuang lwnlung ramh e thei Jisu tuang kheiliak kakhou rui laatow puni cho? **Galatime 5:22-23** tei pac o

Nzianmei, neihlamei, chuzanghmei, khangvsaenghmei, nzianthaymei, gaymei, lwmnuhmei, lunghzaenghmei, karana-sinriapmei.

Thow rui kathai tipat to?

Pu Ravguangc rui Nah Mpouh Jisu Khrista khou, Bumaengh Thanmei paan rui.

Ravguangc rui aniu ta adih nzian cho twmei ndauhlou **pwkhou**, aniu Pu rui ningmei khou katgutlouna Kadaeng khou bam pwkhou, Kamei rui Kata aniu khou mbuna ndauhlou puni kalamthu mi tei Kamei ningmei e kumna Ravguangc tuang padikmei aniu khou padiklou puni. Aniu Jisu khou rui laana, Pu rui ningmei khou katgutlouna, tingmik pum kadaeng khou bam pwkhou, Kamei rui aniu ta tikalaiclou puni, mi hei Kamei ningmei e.

Mi session khou rui nang Ravguangc lam khou thayloumei akhat **tabui** tei cho?

Nang piu khang dawlou/huayney nime **tabui** tei cho?

Session 13: Kiangriang nunc – Meickai ta Kaniw Lwnlung khou tei Laaloumei

Guatswlou the (nuh nchamcmei). Gay dat the (pumh gay datmei, ravrih gaymei khatni chaengh ringhmei). Tikathanclou the (kaluan thaumei khatni kathai naime).

Laanccpatmei Ravsuai

Mi session hei huayneylouna laanccpatlou khang gaanv khat ta sa o.

Kalummei

Ravguangc ramzian khatni tikalahmei pumtan ta ndauhmei tuang kalummei lu kanei kathumh kapahna suan o.

Kathw Ruh tuangKang KhatTaanv

Aniu thay kanmei tei kumcna, aniu khang nthuk liangmei kiangriang thu Ravguangc lev bammei hei e. Aniu Pu rui ningmei khou aniu katgutlouna, Kamei lev bammei ganv laana, Katuang gaymei laa bam e thei, tingmik pum Ravguangc rui aniu ta Jisu kheiliak khou tikalaiclou puni.

Aniu tuang lunglumat, aniu chwn, meickai rui aniu ta khatni aniu rui meickai ta akumhna sw bam cho twmei Ravguangc kadan bam e.

Kang Khat Taanv

Meic guayna zaw karih kariuna dungc ngguic o. Meic guayna how khang, kachung khou kathw 10 tuang worksheet (*Ravguangc Guangcdic tuang Manuel* tuang che sap 45 khou rui namlou o) tei lou o. Worksheet daeng khou tei nap thw, nahhwam thw kumhmei nai naime thw 10 ni lou o. Dungc ngguic bammei meic sing tei nangniw tuang kang sing the. Mi tei meic gaanv thumh khou rui 12 lungc khou nai naime zu the. Gaanv 12 suangc geic e thei kakang kanei pat o. Gaanv 24 suangc geic e thei kakang kathumh pat o kumcna tat o. Kakang kathuic khou kathw 10 khatni kathw 10 tuang worksheet kachung khou lou o.

Meic guayna-akhat khat swna-kaniw kang khou tei lat sa khang tii o. Meic guayna kamei kamei ningmei sa nuh de. Meic guayna kathukh nchamc de. Meic guayna kakang khou tei kathukh naime nanw akhat swna taanc nina e. Maansei nunc rui kata akumhna laa e twna kamei ningmei tei rac kariu na worksheet khou hylou e. Meicnunc rui kata kathukh maekmei de twna howlou bam bu ny, ramh e thei kathukh asaekc thu naime de twna howlou bam bu ny, ramh e thei kathukh mpeyna naime akhat the twna howlou bam bu ny.

Meicnunc rui kata akumhna zauc bam cho twmei khou tei zak khang maek e twmei thaymei hei nthuk liangmei e. Gaanv khat ta maansei rui zauhmei ramzau hei kalam mpeyna nai e, kumcna geihmei thu kamei rui tikalaic ngam mak mei e. Nchumhmei latdaw thu: meicnunc rui nangta akumhna zaw e twna lwm cho twmei hei e.

Meicnunc rui kaniw ta akumhna zaw bu cho twmei column (kathukh maek e ramh ethei kathukh asaekc nai e ramh ethei kathukh mpeyna nai e) tei rac kariu tang e thei, kaniw rui phu patmei tei lyan khang mi column nunc khou tei kathw ruh 10 louna meic guayna kaphianh kariu o. Kathw 10 guayna tei piu o. Kathw 10 tei rui kang akhat ta lyan tuang e.

Ngachapmei 1: Gaanv 8 naimeis kang akhat khou, gaanv 5 rui kaniw ta meicnunc rui kathukh maekmei de twna ning e, gaanv 2 rui meicnunc rui kaniw ta kathukh asaekc naimeis e twna ning e, gaanv 1 rui kata kathukh mpeyna naimeis e twna ning e twna lwm e thei, kathw 10 khou tei rui kathukh maekmei e twmei column khou tei 7 lou o, kathukh asaekc naimeis e twmei column khou tei 2 lou o, kathukh mpeyna naimeis e twmei column khou tei 1 lou o.

Ngachapmei 2: Gaanv 6 naimeis kang akhat khou, gaanv 3 rui kaniw ta meicnunc rui kathukh maekmei de twna ning e, gaanv 3 rui meicnunc rui kaniw ta kathukh asaekc naimeis e twna ning e, gaanv 0 rui kata kathukh mpeyna naimeis e twna ning e twna lwm e thei, kathw 10 khou tei rui kathukh maekmei e twmei column khou tei 5 lou o, kathukh asaekc naimeis e twmei column khou tei 5 lou o, kathukh mpeyna naimeis e twmei column khou tei 0 lou o.

Kang Khat Kaphianhmei

Nang howpatmei tei kaphianh kariu o. Thaymei guay nang tuang handout khou hylou o.

Luk 8:43-55 tei pac o

Mi Baibal chyam hei makumhna pac dat dat o.

Kang Khat Kaphianhmei

Kathaek 43-44 khou Jisu rui kahilou guai pwkhou khacloumeipui khou tei **tabui** sw kan tha?

Kamei gay dat the (kapumc).

Kathaek 45 khou Jisu rui **tabui** sa bo?

Thow ata kahi tu cho?

Tabui rui ata kahi tu cho twna Jisu sa mak e, THOW rui tu de. Thow twmei thu gaanv khat ta e. Jisu rui kata kathukh naimeis e twna laa e khatni kata phu pat khang dingna kakhang kaganv khatni lunghloumei lyanlouna chakhwang swlou the. Katuang tigaymei pumtan kamei laa kan the. Theic nina bammei, kandihmei mikzaw khou meicdaihmei gaanv khat nacpui ta tigaylou khang Jisu tat bammei tuang e twmei ningtow o.

Kathaek 47 khou mi pui tei **tabui** sw kan bo?

Mi pui rui nkamh ngam ni tu ramh the twmei thayna, hu khou patna Jisu hu khou nkhum keyna, Jisu ta kahlou guamei rui kamei gay dat the twna sa the.

Jisu rui khacloumeipui ta tei kathukh mpeyna naime e Ngamparime Ravguangc ta luihmei swna damcloumei akhat e twna chaklouna chakhwang swloumei na ramhna, Jisu kahlou guamei rui, ntaw thu meicnunc, ziap nunc khatni Jisu Kamei kahak mi pui lat tei nking the.

Kakhang kabamv nai the. Kamei lat samei khwan chulou the. Kamei kathukh naime akhat di the. Kamei chaklou nuhmei akhat di the.

Kathaek 48 khou Jisu rui kata Kaziap nunc khatni meicnunc hu khou **tabui** e twna kaw bo?

Ravguangc nac aluh ramh e thei Ravguangc nac.

Jisu kahlou guai khou rui kapwm-kapumc, kalungning, kabumaengc tigay nthuihlou the.

Kakhang kabamv nai the, kamei lat sameikhwan chulou the, Ravguangc nac swmei tuang lwn tiilou dat the.

Kathw 10 tuang taanv khou tei guang dat kho.

Meicnunc rui kaniw ta kathukh maekmei nunc e twna laa e twna lwmmei nunc ta kathukh mpeyna naime nunc e twna laa e twna lwm dat nuh khang aniu **twkumhna** pumtan titanclo nuh bo?

1. Kaniw ta chakhwang swlouna charuangc khou tikazauhmei.
2. Kaniw ta charuangc taanv khou tikazauhna kaniw khang ni thouth nsinloumei.
3. Kaniw khang ni lat sa khang kadouchamei tiilouna kaniw panty khou Ravguangc rui taancloumei tei meicnunc khou rac ndauh khang tiiloumei.
4. Kaniw tuang kaipat (meic kathuicna khou kaipat nai de) tabui cho twmei thay pat khang karamcna mi tei sinsw khang.

Mi session khou rui nang Ravguangc lam khou thayloumei akhat **tabui** tei cho?

Nang piu khang dawlou/huayney nime **tabui** tei cho?

Session 14: Kiangriang nunc – Nchamcmei

‘Kiangriang guay Jisu khou nchamcmeitiilou datmei...laaloumei khatni laalou makmei...meic guayna khou Chamv tei mpeyna kage nai e twmei thay the.’ Seminar Delegate

Laancpatmei Ravsuai

Mi session hei huayneylouna laancpat khang gaanv khat ta sa o.

Kalummei

Ravguangc ramzian khatni tigayloumei pumtan ndauhmei tuang kalummei lu kanei kathumh kapahna suan kariu o.

Akumhna Ravguangc rui nggaanvmei khatni ntumei ta nchamcna laa cho twmei tuang asaekc aniu-Katuang pary, Katuang kalingmei nzianmei pary, Baibal khou rui kathai puni.

Nggaanvmei lev ntumei kazauhmei Katuang baansyam khou rui Ravguangc rui, **tabui** ndauhlou bo? **Thaureyme 1:31** tei pac o

Mi hei mpeyna gay the.

Sime rui swkasicloumei kandic khou lungcna Ravguangc Guangcdic khou nai nime kiangriang kabah thay khang, aniu kabangbi thangc hanc gut dat khang kage nai e. **Thaureyme 1:27-28** tei pac o

Ravguangc rui nggaanvmei ta **thow** ta luicna damclou bo?

Ravguangc lwn kahak khou.

Ravguangc rui ntumei ta **thow** ta luicna damclou bo?

Ravguangc lwn kahak khou.

Ravguangc rui **thow thow** ta nchamcna suaihiamlou bo?

Nggaanvmei khatni ntumei.

Kandih ta sin khang Ravguangc rui **thow thow** khou nchamcna ngamv tiilou bo?

Nggaanvmei khatni ntumei khou.


Thaureyme 2:18-20 tei pac o

Mi chyam khou hei Ravguangc rui ntumei ta nggaanvmei lev kida nuhmei mei twna sa e. Mi kabac thu kadaeng khou guang nchamc nuhmei, kamei lev zanhte nchamcmei gaanv khat, tiki meic baihmei twmei e. Nggaanvmei lev nchamcmei gaanv khat, kamei lev kariuna akhat sw nuhmei mei. Ravguangc rui Kalwn luicna damcloumei nggaanvmei ta meic akhat swkhang ti-nthuihloumei meic akhat e.

Ravguangc tuang lat Latdyng Guangc khou, nkhavloumei twmei latkaeng hei Ravguangc maansei daeng khou guangmei ta samei khou piu e. Ravguangc lat Latdyng Thanh khou, Jisu rui mi hei Ravguangc Bumaengc ramh ethei Ravguangc rui aniu ta bam nduaghna nkhavloumei ta sa e.

Ravguangc rui nggaanvmei lev ntumei ta nchamcna ny ramh ethei nchamc makna damclou bo?
Nchamcna.

Ravguangc rui nggaanvmei lev ntumei ta damcloumei guay pang khou kakunghna swna damclou tuang e. Maansei (nggaanvmei khatni ntumei) Ravguangc thiu laa the, kaney nchamcna, khat khat ta ti-nthuihlou karyna khatni kaney Ravguangc khou khatni khat khat khou kiangriang nchamcna nai khang e.



GAY KHANG KASIAMHLOU E

Nggaanvmei lev ntumei ta **GAY KHANG KASIAMHLOU E...**
nchamcna-nchamcna

Ntaw tuang kandic hei nthuih dai?

Nthuih mak e.

Ravguangc tuang nthuihmei kandic ta tikalah khang ramhkhat pat khwan the. Ravguangc rui nggaanvmei khatni ntumei ta kandih kapwm sin khang, Ravguangc tuang nthuihmei kandic ta zauclou khang tiilou the. Ramh guayna ruc khou Kamei lev ngamna lungh khang Kamei rui kaney khou ramh guayna tiilou kan e.

Theihmei lev ringhmei, Ravguangc tuang ningting khatni ringhmei thingbang ramh ethei simeipu rui guatmei khatni sime lev gaymei tathaymei thingbang khou nyngswna kapahna kadam laa khang Ravguangc rui nggaanvmei lev ntumei khou tiilou the.

Ravguangc rui maansei (nggaanvmei khatni ntumei) khou kapah khang tiiloumei **tabui** tei cho?
Thaureyme 2:8-9 lev **Thaureyme 2:15-17** tei pac o

Ringhmei lev Theihmei.

Thaureyme kachyamv kathumhmei luai mak khou, reyme ntumei khatni nggaanvmei nei tei Ravguangc tuang ningting khatni ringhmei thingbang phaen simeipu tuang guatmei khatni gaymei khatni sime ta thaymei thingbang ta kapah the. Ringhmei khatni kathai nthaimai khou zayloumei, khat khat ta lwmmi, maniatmei khatni Ravguangc tuang ningting laamei phaen, theihmei khatni maanmei khou zaylou nime, khat khat ta lwmm makmei, mpaanmei khatni Ravguangc ningting ta nuhmakmei ta nggaanvmei khatni ntumei kaney rui kapah kan the.

Theihmei lev sime mi kandih khou gut khang nggaanvmei khatni ntumei rui nuhlou the.

Thaureyme 3:1-7 lev **Thaureyme 3:16-17** tei pac o

Ntaw thu nggaanvmei lev ntumei tuang kiangriang tei **akumh** tha, nchamc ny nchamc mak cho?

Nchamc mak khe.

Kanei ngamv khatni pumtan asut akhyam bam e. Ntumei rui nggaanvmei ta sin nii e khatni nggaanvmei rui ntumei ta sin bin nii e.

Thaureyme 4:7 tei pac o

Thaureyme 3:16-17 khou kahawmei twmei latkaeng hei sin binna kanyng sw khang karamhmei twmei kabac e. **Thaureyme** 3:16-17 khou sinmei twmei hei sin binna ni binmei twmei kabac e.

Ntaw thu sime i rui swkasicloumei ntumei hei nggaanvmei khou **tabui** sw nii bo?

Sin binna kanyng sw khang karamc bam e.

Ntaw thu sime i rui swkasicloumei nggaanvmei hei ntumei khou **tabui** sw nii bo?

Sin binna ni bin khang.

Nggaanvmei lev ntumei ta hei **SIMEI RUI SWKASICLOU THE... nchamc mak khe-nchamc mak khe**

Pary hei mi khou tei rui luailou mak e. Ravguangc karamzian daihmei paan rui katuangbaansyam khou zanh lev ze swna keyna, maansei zaeng khou rui swkasicloumei guay, ravpuatc, theihmei khatni sime i mi kandih khou gutlou kanmei tei theihchouc khou Kamei rui phungclou the,

swkasicloumei, ravpuat, theihmei khatni sime i guay ta ngamlouna Jisu

ringcthou dat kan the, khatni aniu ta gayranvmei khou tigaylou dat the.

Nggaanvmei lev ntumei ta **GAY RANV KHANG TIGAYLOU DAT THE...nchamcna-nchamcna**

Pary hei mi khou tei ni luailou mak he. Simeipu tuang saraemhmei tei nchumh mak e twna sa khang, aniu nchumhmei ta thay laana aniu ta guat mak khang , khatni aniu rana khang ningmei meic pumc tuang kahawmei, simeipu, sime i rui swkasiloumei kandih khou sime i kahak ta ngamna lungkhang Ravguangc rui nzianna aniu khang Kapumtan khatni ngamv tiilou the.


Aniu khat khat ta sinbin nime i lungning gancna Pu rui ningmei khou tiigutlou tanh tanna Jisu zanh lev ze khou guangna, theiclouna, ringcthou datna, kauh thangc ku kanmei ta laalou pwkhou, aniu tuang karaanmei mei theicna, mi sime i rui swkasicloumei kandic khou hei, ntawni aniu ringcna lungc puni.

Ravguangc Karamzian daihmei paan rui Katuang tikathanc loumei khatni tigayloumei tuang raeng khou aniu ni kadam laa khang tiilou e. Session 15 lev 16 khou Ravguangc ramzian khatni Katuang tigayloumei raeng khou aniu khang tiiloumei dam Katuang pary Baibal khou rui kathai puni.


Nggaanvmei lev ntumei ta **TIGAYLOU KHANG NDIULOU E... nchamcna-nchamcna**

Mi session khou rui nang Ravguangc lam khou thayloumei akhat **tabui** tei cho?


Nang piu khang dawlou/huayney nime i **tabui** tei cho?



SIMEI RUI SWKASICLOU THE



GAY RANV KHANG TIGAYLOU DAT THE



TIGAYLOU KHANG NDIULOU E

Session 15: Kiangriang nunc – Ziapswmei

Aniu panty chaenglwan khou tat bam khou, tabui bui lwnlung khou pwni, tabui bui khou tat pwni, Ngamparimeipu kaganv kathuic bam tanh tanmeipuanu daeng khou tuancna bam e.

Laancpatmei Ravsuai

Mi session hei huayneylouna laancpatlou khang gaanv khat ta sa o.

Kalummei

Ravguangc aniu daeng khou bam e twmei ndauhmei tuang kalummei lu kanei kathumh kapahna suan kariu o.

Baibal Kathaimei

Kamei thow cho, Kamei rui tabui swlou cho khatni tabui swlou puni cho twmei thaymeipaan rui aniu Ravguangc khatni Karamzian ta thaymei khou rui ziapswmei hei kahouh tuang e twmei thaylou kanmei tei mi chaenglwan hei tat thau ni khou ningtow dat kho. Kalat khou Kamei lev kaganv laamei, kalummei, huayneymeime khatni lwmmmei baihmei guay lev tat nchamcmeihei rui Ravguangc tathay khang nkhlavlou e.

Aniu khatni meickai ta ziap kasiamehmei hei tingmik pum tat key bam nimei tuang e. Luairyn luai tuang kiangriang lam khou thaylou kanmei tei kumcna, kheiliak khou kalaihmei khatni aniu daic thaumei hei Bumaengh Thanmei taanv e. Meic baihmei khou Kata ndauhlou khang Ravguangc aniu ta kage maek e tiki nzianpui zaeng rui Katuang raeng khou kazauh khang aniu ta ni kapahlou e. Meickai rui Ravguangc, Katuang nchumhmei, nzianmei khatni pumtan ta thay khang, kaniw Kalam khou kathai rey nina e.

Aniu **thow** tuang ziap nunc cho?

Jisu.

Thow khou pumtan khatni ngamv guay nai cho? **Matthiu 28:18-20** tei pac o

Jisu.

Mi thaek kathumh khou hei Jisu rui aniu ta taanc o twna samei taanv padeih kiu **tabui bui** tei cho?

1. Tat o

Mi bamv khou hei Tat o twmei hei aniu panty chaenglwan khou tat bam khou (aniu tabui lwnlung khou bam pwni), aniu kabamv akhat khou rui akhat khou tat bam khou (aniu tabui bamv khou bam pwni), mi tuang lwnlung khatni kabamv kaguay ruc khou Jisu pumtan khatni ngamv guay nai e. Kamei lev aniu tatloumei bamv kathuic khou, Kamei aniu kathuic ta tat nduanghlouna maniatna, Kaziap kathuic khou Kabumaengc rui bam nduanghlou bam e.

2. Duiluploumei

Mi bamv khou hei duiluploumei twmei hei meic gaanv khat ta ziap sw khang pumtan tiiloumei tw tuang e. Kata, Ka Bumaengc khatni Pu ta laalou khang e. Kakhau kapwm luploumei hei ntaw khatni thei thangc Ka Bumaengc paan rui, tingsaeng khang, gaymei khou kalaih khang, Katuang pumtan khatni ngamv laa tuang e.

3. Nchamlou o

Laalou nuh khang nchamloumei hei, Jisu lam thayna, Kakhau maniatna daic thauna meickai khou dinclo ngam khang meickai khou pumtan tiiloumei tuang e. Nchamloumei twmei thu

meickai khou aniu ramthai lyanmei ramh ethei ai hei nchumh e twmei lyan khang ramh e. Zaatc guay, nggaanvmei khatni ntumei (nchamcna-nchamcna), gaanvdaih khatnialauc (nchamcna-nchamcna) nchamlou khang e.

4. Ziap Kasiamh o

Mi bamv khou hei ziap kasiamhmei twmei hei kadaiswmei taanv e. Kaniw ta duiluplouna (Jisu, kathiak-Kariak, Kabumaengc khatni Pu ta laalou khang pumtan tiiloumei), nchamlouna (Jisu lam nchamcna Kakhou daic thau khang pumtan tiiloumei) ziap kasiamhlou khang e.

Jisu ziap kasiamhloumei hei Katuang raeng tiguang tangh khang Ravguangc tuang thiak e **(Ephesime 1:9-10)**. Ziap kasiamhmei hei Bumaengh Thanmei rui Kaziap nunc khou khatni Kaziap nunc paan rui taanhmei taanv e. Ravguangc rui kaziap nunc aniu khou katuang raeng ndauhlou the, kumna Kamei rui aniu ta heidikamv daicna nzianpui zaeng rui aniu kathuic kadam laa khang tiilou the.

Aniu Jisu lam *kathai* pwkhou, tingmik pum aniu Kamei lev kiangriang swmei khou Jisu ta *thay* mbu pwkhou khatni panty chaenglwan khou thow thow lev tat ncham cho twmei thay pwkhou, Jisu rui Kalam aniu khou dincouna aniu ni meickai khou Jisu lam *dinclo* pwkhou, Jisu rui aniu ta siamruai swkhang aniu rui nuhloumei kumcna aniu ni meickai ta *siamruai* swna Jisu ta siamruai sw pwkhou Ravguangc tuang raeng hei KaBumaengc paan rui, Kazanc khou tiguang tangclou the.

Ziap kathuicna khang testimony nai e kalamthu Jisu tuang sakhi Bumaengh Thanmei ziap kathuic khou bam e. Nangtuang sakhithu Ravguangc rui damcloumei mei tei Jisu Khrista tuang tikalaiclou ngammei pumtan nang khou naime paan rui swmei tei e.

Testimony

Nang Jisu ziap sw mak khou **akumhmei** mei sw bam khwan cho?

Jisu rui nang ta tikalaicloumei tei lyanna nang Jisu ziap sw dat khou **akumhmeime** sw dat tha?.

Jisu rui Katuang zanh lev ze khaengloumei ta laalouna kaziap sw khang nang dingloumei ganv khou tei nang **akumhmei** lwnlung khou bam khwan cho?

Jisu rui Katuang zanh lev ze khaengloumei ta laalouna kaziap sw khang nangta phungc guangmei nthukliangmei kiu **tabui** cho?

Ntaw nang panty khou kalaic daic liangmei **tabui** tei cho?

Guang punimei nang panty khou nthuk liangmei kalaicmei kiu **tabui** punicho?

Meic guayna-khat khat swna-kaniw tuang testimony (gaanv khat rui minute kanei tangh makna) Khristian ramhmei akhat khou samei kumcna sa o. Khristianmei latkaeng nunc latkhang swna ravchaptatmei khatni ringhbm kumhmei piumakna, ringhbm heii nang panty khou tabui kabac cho twmei dinclo o.

Mi session khou rui nang Ravguangc lam khou thayloumei akhat **tabui** tei cho?

Nang piu khang dawlou/huayney nime **tabui** tei cho?



Session 16: Kiangriang nunc – Ravguangc Guangcdic

Aniu rui kalummeipu lwn ta aniu luihmei sw puni.

Laanccpatmei Ravsuai

Mi session hei huayneylouna laanccpatlou khang gaanv khat ta sa o.

Kalummei

Jisu hei Guangh e twmei ndauhmei tuang kalummei lu kanei kathumh kapahna suan kariu o.

Ravguangc rui Kata khatni tingkauh khatni kandih khou naime katana Khrista Jisu bangc khou lou nime Katuang raeng aniu khou ndauhlou nii e twmei aniu kabangbi khou tei kathai kanmei tei ningtow o. Jisu hei Ravguangc Guangcdic tuang guangc e.

Latkaeng Kathaimei

Guanghdc twmei kabac thu *guanghdc*, khatni ramvlangv ramh ethei kabamv akhat khou bammei nunc ta sinkhang ngamv, ramh ethei pumtan ta e.

Ravguangc twmei thu kauh liangmei rav, aniu rui Pu, Nah Mpouh khatni Bumaengh Thanmei twna thaymeipu ta e.

Ravguangc Guangcdic twmei thu Jisu tuang tingkauh khatni kandih ta sinmei tuang ngamv khatni pumtan ta e. Katuang tigayloumei taanv khou hei Jisu Khrista rui samei khatni Kataanv kabac khatni Kaziap nunc tuang thouc thay khang Ravguangc Guangcdic maengc hei nthukhmei e.

Baibal Kathaimei

Luk 4:43 lev **Latdiutatmei 1:1-4** tei pac o

Jisu rui Ravguangc Guangcdic lam dinclou e khatni nchamlou e, Ravguangc Guangcdic ta lyanlou e, Kamei hei Ravguangc Guangcdic ta guangh swna sinmeipu e.

Jisu Kamei zanh lev ze khou lungc guangmei rui **tabui** tiguang tangc the twna sa bo?

Luk 4:18-19 tei pac o

1. Lungcsime khou gaychamv dinhmei
2. Lugh kabiumei ta tigayloumei
3. Bangcloumei ta ricloumei
4. Miktiatmei ta tihow datmei
5. Sin bin bammei nunc nyngsw datmei
6. Mi hei, mi guay hei pat punime tuang Ravguangc rui kadahloumei ganv kahouhmei the twna Jisu rui salou e.

Sime rui swkasicloumei kandic khou, Jisu Khrista khou rui Ravguangc guangcdic guang the.

Ravguangc Guangcdic/Tingkauh Guangcdic kandih khou guang the twmei lyanloumei kiu **tabui** tei e twna Jisu rui John khou dincloou bo? **Matthiu 11:3-5** tei pac o

1. Miktiatmei how dat the
2. Phaybaumei tat dat the
3. Nthanmakmei nthan dat the
4. Nundymeis chu dat the
5. Theihmei ringcthou dat the
6. Lungcsimeis khou gaychamv dincloou the

Miktiatmei how datmei, phaybaumei tat datmei khatni nu-ndymeis chu datmei ganv guang puni twna Latdyng Guangc khou dinc kasuakloumei mpeyna nai e. Mi hei bumaengh tuang tigayloumei ta na ramh e. Jisu rui ndauhloumei Ravguangc Guangcdic hei thu kaguayna tigayloumei tuang de: bumaengh tuang, meic pumc tuang khatni lungning tuang. Kapwmna nthuihmei khatni chuzanghmei.

Bangcloumei ta riclou khang, lungkabiumei nunc ta tigaylou khang khatni Ravguangc Guangcdic guangmei ta dinc-ndauh khang, simeis rui swkasicloumei (simeipu rui sin bammei khatni maansei rui sin bin khang karamc bammei) kandic khou, Pu Ravguangc rui Jisu ta ndiu guang the. Jisu rui Katuang zanh lev zeis khaengloumei ta lwmmes khatni laaloumei guay ta tingsaengzaeng khou gulou the. Theihmei guangcdic khou rui Ringhmei Guangcdic khou phungc guanglou dat the.

Matthiu 19:13-15 (Mark 10:13-16 lev Luk 18:15-17 ni) tei pac o

Jisu rui alauc nunc ta akumhna zauc e twmeis nang **tabui** thaylou bo?

Jisu rui Ravguangc Guangcdic gut nimeis lam khou alauc nunc ramlum ta kidana sa bam sini, nthaeke keyna alauc nunc khang siamruais swloumei hei mpeyna nthuk e kumna Gaychamv kathumh khou hylou e. Simeis rui swkasicloumei kandic tuang, mi douc tuang riak khou, alauc nunc ta gaanvdaih nunc ta suang zauc key e. Ziap nunc tei mi kandih tuang riak suicna Ravguangc Guangcdic tuang riak tat mak he. Katuang taanv rui Jisu rui Kaziap nunc khou simeis rui swkasicloumei mbaanv khou Ravguangc Guangcdic heikumc e twmeis dincloou e.

Jisu rui alauc nunc lev gaanvdaih nunc kak khou **akumhna** zauc bo, nchamc ny nchamc mak?

Nchamc de

Kang Khat Kaphianhmei

Ravguangc Guangcdic hei tabui e twna nang ning bo twmei kaphianh kariu o.

1. Ravguangc lev meic guay, nggaanvmei, ntumei, nggaanvmei nac, ntumei nac
kiangriang sw-twnlou datmei... nchamcna-nchamcna
2. Lungcsimei lev lungcgaymei pumtan naimeisw the... nchamcna-nchamcna
3. Meic guay nchamcna khat lev khat ta kasiamh thaumei kang
4. Jisu khou lwmmei meic guayna kazauhmei
5. Nchumhmei khatni chuzaenghmei rui kasiamh thaumei kang
6. Bangcloumei nunc ta nchumhmei lev nzianmei rui ricloumei
7. Lungning nthanna swmei rui lungriak sw the

Ravguangc Guangcdic hei Jisu khou rui ndauhlo e.

Simei rui swkasicloumei kandic khou Ravguangc Guangcdic khou lungcna, Pu Ravguangc hymdaihmei khang, Kaguangcdic tidaic thaumei khou kadam laa nchamc khang, KaBumaengc rui, Katuang pumtan khatni Kangamv khou, Jisu rui aniu khou tiilou the.

Ravguangc khatni Karamzian thay mbuna, Kadaeng khou Kalat kathaina, Kahu khou bamna, kalumna, huayneyna, lwmmei guay lev tat nchamcna, Jisu khou rui laana, simei rui swkasicloumei kandic khou hei katuang rihngammei padikmei khou lungcna, Karamzian daihmei ta rac ndauhna khatni ziap kasiamhna, ntaw kandih khou aniu Ravguangc Guangcdic khou bam e.

Mi session khou rui nang Ravguangc lam khou thayloumei akhat **tabui** tei cho?

Nang piu khang dawlou/huayney nimeis **tabui** tei cho?

Huayneymei

Ephesimeis 3:14-21 *Mi zaeng rui kandih khou ni, tingkauh thangc ni, kalingmei kaikhunc guay tuang zancphuakh tiiloumeipu, Pu hu khou ai khuksun key e. Gaat tuang nai dat makmei katuang hymdaihmei khou rui, ka Bumaengc paan rui, nangniw khou pumtan tiilouna, nangniw tuang kalungcmei mei ta tei titanc thau khang ai Ravguangc khou ney e. Lwmmei paan rui nangniw lungc khou Khrista lungclou bam khang ai huayney e. Nangniw nzianmei khou kamaan zangc ntip keyna ding ntipna, Khrista ramzian kasaanv, kadiat, kathukh, kakau Ravguangc meic baihmei guay lev nangniw ni thay ngam khang ai huayney e. Ngguay, kasyng thay tangc ngam makmei Khrista ramzian hei thay khang, kumna Ravguangc lwnlung nangniw khou padik sikh sik bam khang e.*

Aniu khou taanv sw bammei katuang pumtan paan rui, aniu rui neymeis suangc khatni ning tanghmeis suangc mbuna taanclou ngammeipu, Ravguangc hei phwamling khou khatni Khrista Jisu khou tingsaengzaeng hymdaic bam kan diu! Amen. (BSI)

KATHUKH MAEK E	KATHUKH ASAEKC NAI E	KATHUKH MPEYNA NAI E

